



Petrus Thorstenius  
Iuris publici et privati  
convenientiam et diffe-  
rentias principes







*Q. D. B. V.*

IVRIS PVBLICI ET PRIVATI  
CONVENIENTIAM ET DIFFE-  
RENTIAS PRINCIPES

A. D. APRIL, CIO IO CCXXXIII.

PLACIDAE COMMILITONVM DISQVITIONI  
DISPVTTATIONE CIRCVLARI

EXHIBENT

P R A E S E S

D. CHRISTIAN. LVD. SCHEIDIVS

S. R. M. CONSIL. IVSTITIAE ET P. P. O.

AC RESPONDENS


PETRVS THORSTENIVS

ISLANDVS.

LANDSBOKASAFN
Nº 131501
ISLANDS

H A F N I A E

TYP. REGIAE MAIESTATIS ET VNIVERS. TYPOGR.  
IOH. GEORG. HÖPPFNERI.



Imprimatur.

P. KOFOD ANCHER D.



ILLVSTRISSIMO ATQVE EXCELLENTIS-  
SIMO IN TOGA HEROI

DOMINO

IOHANNI LVDOVICO  
DE HOLSTEIN

S. R. M. PRIVATAE CONFERENTIAE ET SE-  
NATVS SANCTIORIS CONSILIARIO INTIMO, ORDINIS DA-  
NEBROGICI EQVITI AVRATO, CVBICVLARIORVM PRAE-  
FECTO, SVPREMO CANCELLARIAE DANICAE SECRETA-  
RIO, COLLEGII DE CVRSV EVANGELII PROMOVENDO  
PRAESIDI, ET GENERALI ECCLESIA RVM PER V-  
TRVMQVE REGNV M INSPECTORI

ALMAE VNIVERSITATIS HAFNIENSIS

CORAM

NVMINE REGIO

ADVOCATO INDVLGENTISSIMO

DYNASTAE IN LETHRA &c.

MAECENATI BENIGNISSIMO

DOMINO MEO GRATIOSISSIMO

HANC DISSERTATIONEM ACADEMICAM

IN SIGNVM ANIMI DEVOTISSIMI

PIETATE ET RELIGIONE SVMMA

D. D. D.

EXCELLENTIAE EIVS ILLVSTRISSIMAE

HVMILLIMVS DEVOTISSIMVSQVE CLIENS

PETRVS THORSTENIVS

**Q**uod sub eminentissimis, EXCELLEN-  
TIAE TVAE ILLVSTRISSIMAE au-  
spiciis in publicum prodeat opusculum:  
hoc, DOMINE, ingens TVA tum in elegan-  
tiores litteras omnes, tum praecipue in iuris-  
prudentiae studium indulgentia atque benigni-  
tas effecit. Quemadmodum enim pridem iam  
in felici illa, quam mirifice exornas, toga, ma-  
xuma animi magnitudine res aeterna omnium  
saeculorum memoria dignissimas suscepisti,  
TIBIque Maecenatis nomen non amor magis  
& studium in eruditos, quam exquisitissima &  
incomparabilis TVA eruditio conciliauit; sic  
ab eo tempore, quo in ILLVSTRISSIMAE  
TVAE EXCELLENTIAE clientelam Vniuer-  
sitas patria, ac cum ea bonae artes omnes  
abiere, amare saltim & fouere litteras putasti  
parum, potius magnificentia summa, & incre-  
dibili prorsus patrocínio quacuis seueriora stu-  
dia excitasti, auxilio TVO apud REGEM AV-  
GVSTISSIMVM fouisti, gratia sustentasti, ac  
TVI admiratione omnia florentissima ingenia  
ad eo cepisti, vt toti se ad decantandas laudes  
TVAS hodie conuertere videantur Musarum  
alumni. Praecipue autem TVVM id opus est,  
TVA effectum auctoritate, HEROS ILLV-  
STRISSE, quod iam in Academia nostra ali-  
qua



qua legum doctrinae impendatur industria,  
cum superiori aevo, si non neglecta prorsus apud  
nos iurisprudentiae cultura fuit, certe quotquot  
ex nostratibus ii se mancupauerant, quamprimū  
in vulgaribus subsistere noluerunt, ad externos  
mercatus eius gratia confluere debuerint. Nam  
quod in hoc nostro bonarum litterarum emporio  
tam viri celebres adsint, qui iura profiten-  
tur, quam cupidi legitimae scientiae adolescentes,  
qui ab eorum ore pendent, & ad nutum  
eorum intenti, emensis Mineruae hortis, recto  
pede ad Themidis fanum transeunt, vndique  
in vastissimo legum studio formicarum more  
coaceruantes, quibus & sibi olim civibusque  
prodesse, & exultationem atque famam Da-  
nici nominis in omni litterarum genere a ma-  
ioribus acceptam, si non augere, saltem adiecto  
veteri gloriae possessioni legum studio conser-  
uare, atque posteris integram relinquere pos-  
sint; id post paternam DIVINISSIMI REGII  
NVMINIS curam ipsa, optimus laudabilium  
actionum arbiter, sera posteritas vel ideo EX-  
CELLENTIAE TVAE ILLVSTRISSIMAE  
grata mente imputabit, quoniam in illa fortu-  
nae TVAE sublimitate earum rerum, quae qui-  
dem & ad docentes & ad discentes excitandos  
spectant, nihil prorsus omittis; sed tam beni-

gne, tam liberaliter, pro perspicacissimo TVO iudicio, quod nihil non in salutem reipublicae excogitat, suscipit, exsequitur, sanctissimam iuris disciplinam, quam multi simplices & prorsus albae mentis homines mirum in modum ideo fastidiunt, quia copiosissimam tersioris literaturae segetem, tamquam vanissimam pompam rident, in gremium TVVM, protectionemque recipiendam existimasti, vt solo hoc TVAE EXCELLENTIAE exemplo, nostra aetate iterum comprobetur istud, quod toties iam a summis in orbe viris olim comprobatum fuisse legimus, vbi ad clauum reipublicae sedent viri diuinarum humanarumque rerum periti, iurisprudentiam, quae ipsa humanarum diuinarumque rerum scientia est, quae artis iudicandi normam pandit, quae homines omnes in officio continet, quae bonos praemiis afficit, malos poenis coërcet, &, vt vno verbo dicam, humanam societatem conseruat, negligi non posse. Quo ipso quidem, DOMINE, rem fecisti EXCELLENTIA TVA, NOMINISque TVI aeternitate dignam, illudque promeruisti, vt Musae TIBI statuam ponant, nisi Themis illis hoc decus praeripere poterit: Et erit profecto tempus, quod EXCELLENTIAM TVAM IL-  
LVSTRISSIMAM conuincet, non adeo ingra-  
tos

tos esse iuris cultores, vt TVA in se merita obliuione perire patiantur, nec ingenii tam infoecundj, vt celebrare ea nequeant. Ego quidem, qui homo infimi inter eos subsellij sum, nec tam eorum, quam mei causa scriptionem hanc suscepi, vnum hoc, quod grati animi est officium, silere non potui, quod hac TVA benignitate, fauore & indulgentia id effectum, vt in hac studiorum palaestra iuris, quem dicunt, cursum propemodum absoluere potuerim. Quare iam hoc ipso labore exantlato, TVI iudicii erit, aestimare, qua in re laudabilem operam patriae meae nauare possim; mearum enim partium esse duco, prompto paratoque animo exsequi quiduis, quod quidem munire mihi viam possit, qua ad TVAE EXCELLENTIAE gratiam itur, illudque per omnem vitam summa fide, religione, pietate agere, ne sedeam veluti ignauus fucus ad aliena pabula. Caeterum DEVM precor ILLVSTRISSE IN TOGA HEROS, vt EXCELLENTIAM TVAM omni salutis genere cumulatissimam ad Nestoreos vsque annos seruet, vtque felicitates Scipionis Aemiliani tantas fuisse & tanti ponderis legimus, vt nemo vnquam a DEO immortali tantum ausus fuerit vel exoptare tacitus, quantum is ab indulgentissimo illo omnis boni dispensatore  
erat

erat consecutus, sic TIBI TVAEQVE GENE-  
ROSISSIMAE FAMILIAE tam largos vberes-  
que fortunae cuiusuis generis prouentus, vi-  
tam, incolumitatem, perennitatem apprecor;  
& ex animi sententia opto, vt qui magno in  
ciuitate viro inposterum bene ominari cupit,  
Scipiano nomine in HOLSTEINIANVM mu-  
tato, similitudinem ab ILLVSTRISSIMAE  
TVAE EXCELLENTIAE vita, fatis, felicitate  
mutuare debeat. Vale, MAECENAS INDVL-  
GENTISSIME, & hoc quicquid est humillimi  
deuotissimique obsequii genus, pro ea, quae  
TVAE EXCELLENTIAE propria est, beniuo-  
lentia aequi bonique consule. Iterum ite-  
rumque vale. Scribebam Hafniae XII. ante  
Kalend. Maii CIO IO CCXXXIII.



## PROSCENIVM.

**N**on dubitamus, quin ad solius, quem opusculum hoc in fronte gerit, tituli lectionem mirentur plerique, *de conuenientia & differentia inter ius publicum & priuatum* dissertationem a nobis conscribi. Qui enim in tanta crescentis in dies eruditionis luce campum latissimum, quem maiores nostri in artibus & studiis liberalibus incultum nobis reliquerunt, mentis suae oculis subiecisse gloriantur, longe aliud agendum esse censebunt, quam vt pertractetur argumentum, in quo alii iam vires ingenii omnes ita videntur exercuisse, vt vix noui quid dicendum superesse possit. Sed hi erunt fere, qui dum existimant, ea demum cum laude in arena disputatoria proponi posse, quae tractata hactenus fuere a nemine, & vel solius *rubri nouitate* Lectoribus saluam mouent, scientias & disciplinas si non iustis suis incrementis priuant, illud certe ipsis inuident, quod eas, quia vsus cottidiani est, hominum generi necessarias vtilissimasque reddit; similes hominibus stolidis, qui curam febrium Medico non amplius honorificam censent, quia morbus apud nos nimis frequens est, illum vero dignum habent, qui  
A cum

cum Apolline ipso & Aesculapio accumbat, qui forte illis aduersae valetudinis generibus mederi promittit, quae haecenus vix nomine fuere cognita. Ast vt fate-  
mur ingenue, alienissima nos ab iis semper mente fuisse, qui illud *nihil dici potest, quod non dictum sit prius* continuo in ore habent, & nil nisi sterilitatem nostrorum temporum in scientiis & doctrinis nouis inuentis locupletandis dolent immerito; ita si in argumento tam trito & vulgari praeconceptam hanc & erroneam opinionem confutabimus, iis etiam satisfactum putamus, qui *Iliades post Homerum* scribere nos existimant. Euoluens enim tot Scriptores, qui vel *de publico*, vel *de priuato iure* aliquid commentati sunt, si non plane sterilem deprehendi doctrinam, quam pridem fertilitate clarissimorum ingeniorum excultam putaueram, inuenisse tamen mihi visus sum largissimum post messem aliorum spicilegium. Sed illud etiam animaduerti mature, segetem dicendorum hic esse satis magnam, itaque laborandum mihi esse sedulo, vt, quae ab homine tam amplum campum ingressio proponi debent necessario, ea proponantur breuitate, ne angusti dissertationis academicae limites argumenti huius ardui dignitati obfint, nec ipsa parua libelli moles rei tam seriae aliquid detrahat. Quare non tam animus mihi fuit ea multis recensere verbis, quae vel ad communem vtriusque iuris indolem & naturam faciunt, vel ad insinuandam Legum necessitatem, pro dignitate & vtilitate iuris, a Iureconsulto fusc narrari possunt, quam quidem data opera chartae huic, summa tamen, qua fieri poterat, breuitate illinire, quicquid veram inter vtrumque ius constituere differentiam, & commilitonibus nostris occasio-

caſionem praebere poteſt indolem & naturam iuriſ-  
prudētiaē rimando intelligendi, quam diffuſum illi  
amplectantur ſtudio, qui legitimae ſcientiae opera  
non perfunctoria & proletaria litare volunt. Quod  
ipſum conſilium etiam laudandum eſſet, ſi vel max-  
ime alii ante nos in tractando hoc argumento deſudaſ-  
ſent. Aequae enim ridiculum ducimus, poſthabere  
ea, quae vtiliſſima ſunt, tantum ob hanc rationem,  
quod vulgaria nimis, nec ad laudem Scriptori concii-  
liandam apta ſatis videantur, quam quidem ſectari dun-  
daxat ea anxie, quae gratia nouitatis commendantur,  
viro, cui munus docendi publicum datum eſt, indi-  
gnum arbitramur. Quodeumque autem Tuum iam  
ſit de hac opella noſtra iudicium, LECTOR BENIVOLE;  
liberum id in omnibus Tibi eſſe volumus, vtque ipſi-  
met non ſolis nitimur antiquorum placitis, ſed etiam  
noſtra proferimus in medium, vbi vel numquam antea,  
vel non rite ſatis explicatam aliquam quaestionem cre-  
dimus, ſic aequo ſemper patimur animo, ſi, quoties  
leui ſaltem uſos nos eſſe penicillo, infirmo argumēto-  
rum pondere animaduertis, & a nobis diſſenties, & me-  
liora nos docebis.

## §. I.

*Discrimen  
I. desum-  
tum est ex  
natura ne-  
gotiorum  
publicorum  
& privato-  
rum.*

**I**uris vocabulum, vti PAVLVS L. XIV. ad Sabinum docet esse πολύσημον (a) dupondii ex L. II. §. 12. ff. de iust. & iur. notum est omnibus, quibus nec id incognitum, vti iurisprudencia doctrinam legum significat, ita proprio & vulgari sensu ius & leges pro synonymis haberi: cuius rei rationem in verbo iubeo, seu, vt veteribus dictum, iusseo ipsa exhibet etymologia Grammatica. Neque enim ius, (quatenus pro lege, id est, regula componendis liberis hominum actionibus praescripta sumitur,) brevius explicari potest, quam per iussum Imperantis. Nimirum exercitium imperii omne in usu consistit: Ad hunc autem qui animaduertit, Imperantem dum summam potestatem suam in actum deducit, aliter personis, aliter rebus vti facili negotio deprehendit. Res enim in dominio habet, personas autem iussu suo dirigit, iisque moralem necessitatem imponit, vt actiones, quae potestatis alienae directionem ferre possunt, ad praescriptum legum suarum componant. Nimis iam a scopo nostro remotum foret, & fundamenta legitimi imperii, & diuersam imperiorum indolem ac naturam recensere. De humano igitur

(a) Qui omnes eius significatus scire auct, consulat praeter alios ERIC. MAVRITIVM de principiis iuris publici c. 1. §. 1-7. HAHN ad Wesenbec. tit. de iust. & iure n. 14. SCHOOK de iure nat. th. 1. n. 3. FIBIG. in iure publ. Semid. 1. qu. 1. n. 2. sed non obliuiscatur etiam adire D. DE LVDEWIG in Singul. iur. publici c. 1. p. 111. vbi quantum inane multis huiusmodi significatibus a Doctoribus excogitatis insit, more suo solide ostendit illustris vir nuper rebus humanis magno totius reipublicae litterariae, quam mirifice doctrina sua locuplecauit, luctu ereptus.



igitur imperio saltim agamus, quod *in statu civili*, qui ex Imperantium & subditorum ordine consistit, iussu sese exserit, & *reipublicae ac civitati iura praescribit*, vulgo *in publica & priuata solita* dividi (b). Scilicet uti so-

A 3

cietas

- (b) Addunt alii tertiam speciem *iuris sacri* ob *l. 23. pr. C. de SS. eccles.* idque etiam iam auctoritate *XII. Tabularum* confirmatum; De his enim notum est illud *Ausonii Eidyli. 15.*

*Ius triplex, tabulae quod ter sanxere quaternae,  
Sacrum, priuatum, populi commune quod vsquam est.*

Sed necesse non est, ut *sacrum ius* vel a *publico*, vel a *priuato* seungamus; quae enim apud nos ad *iura ecclesiastica* referuntur, mox *priuati iuris* obiectum faciunt *Cuiac. L. XV. obs. 33.* Neque etiam *diuina iura* ab *humanis* in bene constituta republica separari vmquam possunt. Vnde non solum *Moses Deus Aaronis* fuit *Exod. IV, 16. VII, 1.* verum etiam apud Romanos *Pontificatus Imperio* iunctus erat semper. Nec in pretio erat *Iureconsultus*, qui non omnia iura & *diuina* & *humana* cognitione erat complexus. *Gothofred. in not. ad l. 10. §. 2. ff. de Iust. & Iur.* Quapropter *Tacitus* exprobraturus in *Ateio Capitone* seruile obsequium *L. III. Annal. c. 70.* *Capito*, inquit, *insignitior infamia fuit, quod humani divinique iuris sciens egregium publicum & bonas domi artes debonestauisset*; idemque *Cocceium Neruam L. VI. Annal. c. 26.* *omnis divini humanique iuris scientem*, *Vitellium* contra *omnis humani divinique iuris expertem* vocat *L. II. hist. c. 91.* & hinc est, quod *Iurisprudentia* *verum diuinarum & humanarum* cognitio audiat *l. 10. §. 2. ff. de Iust. & Iur.* hinc factum, quod vetusti apud Romanos *moris* fuerit, ut cum quo nec foedere, nec aequis legibus iungerentur, *amicitia* non prius in eum, tamquam *pacatum imperio*, *visi* sint, quam *omnia divina*

cietas omnis, sic ciuitas, societatum maxuma, unionem voluntatis plurium personarum ad consequendum iunctis viribus finem quendam communem exigit, utque unum corpus est, sic uno quasi animo, ut ait Afinius Gallus ap. TACIT. L. I. Annal. c. 12. regi debet. Hanc ipsam vero voluntatem plurium non in singulis negotiis particularibus & priuatis, sed in communibus & publicis (c) praeclise unitam prae-

---

diuina humanaque dedisset. LIV. lib. VI. dec. 4. PETR. FABER in semestr. Cap. 7. Hinc denique Tiberius, Augusti in imperio successor, prouti artem callebat, qua verba expenderet, teste TACITO L. XIII. Annal. c. 32. sed hanc penitus dominationis libidini ac licentiae destinauerat, grauissimum speciosis verbis, re vero inane ac subdolum, votum concepit, cum diuinos templorum honores deprecans ita apud TACITVM L. IV. Annal. c. 38. inquit: Proinde socios, ciues & deos & deas ipsas precor: hos, ut mihi ad finem usque vitae quietam & intelligentem HUMANI DIVINIQUE IVRIS mentem duint; illos, ut quandocumque concessero, cum laude & bonis recordationibus, facta atque famam nominis mei prosequantur. Et ut in colligendis pluribus testimoniis otium mihi, LECTORIBVSQUE MEIS faciam, hinc est, quod grauiter se & alios moneat ANTONINVS IMPERATOR in libris, quos ad se ipsum inscripsit III. pr. 16. reputandum esse, quam incertum sit, an processu longioris aevi INTELLIGENTIA DIVINARVM AC HUMANARVM RERVM eodem vigore & successu duratura sit.

- (c) Vix opus esse credo, ne LECTORES MEOS vox & denominatio negotiorum publicorum offendat longa admonitione, iis dicere, talia a nobis sub nomine hoc non intelligi, quae alias actibus clandestinis opponi solent, uti v. g. nominamus sponsalia publica in opposizione ad sponsalia clandestina. Ipsa enim libelli huius frons iam illud docere potest, quod haec nominis acceptio longe a scopo nostro sit remota,

praerequiri quemlibet facile ratio ipsa edocet. Quare quodcumque deinde *reipublicae systema* sit, miram praebet vtilitatem, quatenus *communia & publica*, quae *particularia & priuata* sint *negotia* cognitum rite habere perspectumque. Quemadmodum enim in Monarchiis Regum, in Aristocratiis vero & Democratiis, ut egregie docet GROTIUS *de Iure Belli & pac. L. II. c. 5. §. 17.* cui adde PVFENDORF *de off. hom. & ciuis L. II. c. 6. §. 12.* & plerosque, qui ad hunc locum aliquid annotarunt, praecipue TREVERVM & EVERHARD. OTTONEM, V. C. *maioris* in Senatu Procerum vel populi *partis* est imperare reliquis, ita in *negotiis publicis*, seu *actibus regis*, ut iterum GROTIUS *de I. B. & P. L. II. c. 14. §. 1.* loquitur, horum *voluntatem publicam* parentium *voluntatem* esse, ob eamque causam per *imperantium voluntatem* vniuersum populum obligari, si a paucissimis exemplis, quae TREVERVS in not. ad PVFENDORF *de O. H. & C. L. II. c. 6. §. 11.* exhibet, discefferis, palam est. Cum contra ubi ad *negotia priuata* respexeris, non solum non expedit *reipublicae*, si nihil circa ea voluntatis relictum aliis, verum etiam in Aristocratiis & Democratiis expediti ferre iuris sit, *vota plurium extra casum necessitatis ineluctabilis non extendere se ad iura singulorum.* ZIEGLER in not. ad GROTIUM *de I. B. & P. L. II. c. 5. §. 17.*

## §. II.

Sola igitur haec observatio iam *primam* nobis pandit *inter iura publica & priuata differentiam*, cui mox addamus *alteram*. Qui enim in republica viuunt, aut *personam imperantis* exercent, aut in eam sunt conditionem delati, ut *gloria obsequii* ipsis sit relicta, Cum igitur

II. Ex conditione personarum publicarum & priuatarum.

igitur vt recte ex ARISTOTELE dicit CICERO L. III. de L. c. 5. magistratibus, iisque, qui praesint, contineatur respublica, & ex eorum compositione, quod cuiusque reipublicae genus sit, intelligatur; Imperantes, siue iam proprio siue administratorio nomine, siue ad tempus, siue perpetuo, siue ordinarie, siue extra ordinem, vt olim apud Romanos Dictator & Decemuii scribendis legibus, imperio praesint, personas nominabimus publicas, parentes vero priuatas. Status apud Iureconsultos est qualitas moralis, secundum quam ius inter homines variat. In diuerso igitur statu esse Imperantes parentesque quis non videt? adeoque etiam diuersa quoad personas publicas & priuatas iura obtinere etiam ex ipsa status definitione discimus. Quapropter quemadmodum ius ciuile dicimus in applicatione ad statum ciuitatis, ius naturale in applicatione ad statum naturalis libertatis, in quo persona, cui ius reddendum degit, ita etiam ius publicum priuatumque emergit, prouti in statu ciuitatis publico vel priuato constituti sunt, quibus iura applicanda, id est, prouti vel publicam, vel priuatam personam sustinent; adeo vt aequè ineptum sit publica iura personis priuatis applicare, ac quidem id ridiculum foret, personas publicas censere iure priuato, contra quod iam GROTIUS de I. B. & P. L. II. c. 16. §. 31. quaedam monuit. Equidem non ignoro, in Wisigothorum Legibus L. II. Tit. I. Lege 2. cautum fuisse vt legibus tam Regia potestas, quam populorum vniuersitas credatur subiecta; quin immo vexatam nonnullis Iureconsultis (d) videri quaestionem

(d) De rationibus enim politicis non loquor. Spectat ad has illud CLAUDIANI ad Honor.

nem: *an Princeps legibus privatis a se latis teneatur?* verum vt scita gentis tunc parum cultae regulam nullam facere possunt, sic id etiam scio, eruditis multis sollemnne esse, vt nodum in scirpo quaerant. Certe hic tolli vno ictu & profligari dissentientium argumenta possunt; quae enim *in legibus privatis* sancita sunt, vel *mere positivi iuris* sunt, adeoque ex solo Imperantis arbitrio & voluntate pendent, & his eum obligatum dicere, idem esset, ac *naturam legis* ignorare, quae semper *superiorem* supponit, qualis *nemo intuitu sui ipsius* est, (vti recte loquuntur Iureconsulti l. 40. ff. de fideic. libere. l. 51. inf. ff. de recep.) vel ex *naturali iure* pullulant, nec tam *nova sanctione* promulgantur, quam solummodo in gratiam plebis imperitae, cui perscrutari absconditos aeterni huius iuris recessus datum non est, repetuntur, & in scripturam rediguntur. Quare quemadmodum *directionem iuris naturae* quoad actiones hominum inter se *non tollunt status varii*, in quibus viuere coeperunt homines, vbi his alligatum dicimus Imperantem, id non tam ideo fit, quasi sponte sese & ex aequo ac bono legibus a se latis, *glorioso penitus ausu*, (de quo hinc inde in Legibus Romanis sermo occurrit § ult. Instit. quib. mod. testam. infirm. l. 4. C. de LL. l. 3. C. de restam. l. 7. C. de prec. Imp offer. l. 4. C. de emancip. liber. l. 16. C. de transact. l. fin. C. sent. resc. non posse l. 3. C. unde vi. l. 4. C. ad Leg. Falc.) submiserit, sed quia reuera, *auctori le-*

B

gis

- - - Tunc obseruantior aequi  
Fit populus, nec ferre negat, cum viderit ipsum  
Auctorem parere sibi, componitur orbis  
Regis ad exemplum, nec tantum flectere mentes  
Humanas edicta valent, quam vita Regentis.

gis huius, DEO, subest (e) conferri heic meretur Illustr. D. BOEHMER *Iur. Publ. Vniu. P. Gen. c. 2. §. 14. 15. 16.* Vnde v. g. subditis in contractibus aequè obligatur, ac si *persona priuata* contraxisset, quia non *priuati*, sed *aeterni iuris* dictamen est, quod *seruanda esse pacta* hominibus inculcat. Nec difficilis est sententiae nostrae ratio: pone enim Principem contractibus & pactis non amplius obligari, multa absurda simul statues; agere enim eum videbis aliquid, quo actio idem foret, ac si nihil fuisset actum, cumque liberum ei fuit contrahere; cessabit iam naturalis ratio quae ab initio libertatis sunt, ex post facto necessitatis fieri, quin immo ita reuera conditio Principis ipsa deterior redditur; quod si enim a sola eius voluntate penderet obligatio in contractu, verisimile est, neminem imposterum cum ipso contracturum: quod omne vero in iis, quae *meri iuris positiui* sunt, aliter se habet. Vnde non obligatur ad sollemnia contractuum obseruanda, v. g. vt in charta signata exarentur, vt resignatio domini iudicialis fiat &c. Quare iam confit (f), iniuria negasse nonnullos Gal-

(e) Et eatenus recte se habet dictum Regis Alphonfi: *Improbe agere Principes, qui aliis honeste decoreque viuendi legem praescriberent, ipsi vero nihilo temperantiores sese praeberent.* PANORM. L. V. de reb gest Alphonf. Neque enim immerito quis cum CICERONE ad M Brutum dixerit: Cui tandem imperabit, qui non potest cupiditatibus suis imperare? refragnet prius libidines, spernat voluptates, iracundiam teneat, coërceat auaritiam, caeteras animi labe repellat.

(f) Iam vetustum quaestionis huius quatenus *personae publicae priuato iure* censeantur? exemplum habemus apud PAV-

Gallos Henrico, Nauarrae Regi, successionem Regni,  
quoniam ultra gradum decimum nulla datur apud eos

B 2

here-

SANIAM. in lite, quae inter Achaeos & Lacaedemonios coram Legatis Romanorum, cuius princeps Appius Claudius fuit, agitabatur. Achaeis enim ideo contra Romanorum legatos excipientibus, quod illi ab Areo & Alcibiade, aduersariis Achaeorum, in Graeciam adducti essent, & ad Legem Antiam Romanorum prouocantibus, qua cautum, ne rei & accusatores iudicis domum ingrediantur, committere alioquin in ambitum, respondit Senatus Romanus, *aliam iudicis, aliam legati conditionem esse*, id est, *aliam iuris publici, aliam priuati esse rationem*, vt recte interpretatur PETR. AERODIVS in *Pandect. rerum Iudicat. L. II. tit. 17. f. 148.* Equidem humanissimus quondam Belgii ICTUS, GERHARDVS NOODT in *Oratione de iure summi imperii & lege Regia Opp. p. 769 sqq.* & Ludouicianae academiae praecipuum ornamentum, IOH. NICOL. HERTIVS, eruditissimus & iudiciosissimus lurreconsultus, a nostra, quod non dissimulamus, abire videntur sententia, is quidem in *diff. de superioritate territoriali §. 74. T. II. Opp p m. 341 sqq.* Ast multa iam conglobare argumenta, iisque dissidentes oppugnare, nostraque firmare, nimis prolixum & a scopo nostro remotum foret. Vnde vnum hoc rogamus LECTORES, vt perpendant 1) quam id singulare sit Principem obstrictum dicere *legibus priuatis*, quae vim suam omnem ex iussu eius sortiuntur, adeoque cadunt statim, suamque efficaciam perdunt, quando Princeps ipse aliud quidpiam iubet; 2) quantum hoc personarum omnium in republica confusio- nem inuoluat necesse sit; Cum enim omnino ex structura reipublicae fluat, vt adsint qui iussibus suis dirigant omnia ad communem vtilitatem, quique ita dirigantur atque obsequium praestent; ordo hic hoc dogmate manifesto concul-

hereditatis delatio; & recte iis a Regis amicis responsum legimus, *in Regnorum successione, non idem, quod in priuatorum hereditatibus iuris esse.* THVAN. L. 81. histor. ad A. 1585. ab init. De Augustae iuribus ex his principis disputare non erit difficile. Quemadmodum enim in genere vxoribus Regum ac Principum tum ob conditionem sexus foeminei, tum ob naturam ciuitatum, quae diuisam maiestatem ferre nequeunt, hanc conditionem imposuit ratio, vt, quatenus pactis dotalibus sibi non prospexerunt, maiestatem mariti sui colere reuerenter debeant, ita eas non personas publicas, sed priuatas esse mox confit. Vnde etiam in dubio & quatenus priuilegiis maritorum suorum siue specialibus, siue in corpore iuris clausis, vt aiunt, (g) liberatae non sunt atque exemptae

conculcatur; 3) quomodo inuicem stare non possint sententiae hae: Princeps legibus ciuilibus tenetur, & altera Antecessorum leges regulariter a nutu & voluntate Principis Successoris pendent, adeo vt possit, si velit, spongiam deleticam illis inducere, quam vltimam regulam ne quidem pedarius lreconsultus vel Politicus negare vmquam audebit; 4) quod qui contra nos sentiant, manifeste abeant ad Monarchomachos; posito enim Principem legibus ciuilibus teneri, necesse erit, vt in caso, quo ab iis recedendi licentiam sibi fumeret, superfit, qui cogere eum & in ordinem redigere possit, adeoque superfit etiam, qui eum possit punire; & quae plura iam exinde fluere absurda.

- (g) Talia priuilegia in iure Romano Augustae indulta fuisse constat ex multis locis. Sic enim allegari possunt §. fin. Instit. de usucapion. l. 31. ff. de LL. l. 6. §. 1. ff. de iure fisci. l. 7. C. de bon. qua. liber. l. 34. C. de donat. l. ult. C. de quadr. praese. l. 26. C. de donat. inter vir. & vxor. l. 6. C. de



cietae MYLERVS AB EHRENBACH (h) in *Gamol. Pers. Imp. illustr. c. 7. §. 27. TITIVS in spec. iuris publ. L. V. c. 7. §. 2.*

B 3

VITRIA-

*de vestig.* Quae omnia vero minus commode a nonnullis iuris publici Germanici Doctoribus ad Imperatricem Germanicam applicantur, quia longe alius Augustarian apud Romanos, status fuit, quam is est apud Germanos SCHILTER in *iur. publ. L. I T. 16. p. 173.* Neque enim haec dignitas ex connubio praecise olim proficiscebatur, sed peculiari ritu ab initio praecio Senatusconsulto, postea etiam interdum sine eo SVETON. in *vit. Domitiani c. 3.* non solum vxoribus, verum matribus, sororibus, filiabus Augustorum, quin immo etiam iis interdum foeminis, quae ex Augustali familia priuatis matrimonio iunctae erant, ceu exemplo filiae M. Antonini Imp. ap. CAPITOLIN. c. 20. constat, tribui solebat. Praeterea ceu in genere obseruari solet a Doctoribus paullulum curatioribus, quod scita iuris huius peregrini in causis iuris publici Germanici valoris sint nullius, conf. GRIBNERI *diff. de praecind. Princip. Imperii ex abusu iuris Iustinianei T. 1. Opp.* ita profecto nulla ratio suadet, cur haec Augustae privilegia, qua eadem Augustae iura esse dicuntur, quae Augusti sunt, obtorto collo in quaestione tam ardua decidenda in forum Germanicum protrudamus.

- (h) Equidem si quis obiter aspicit MYLERVM AB EHRENBACH, videtur is a nostra sententia recedere, dum §§. 8. & 22. d. c. disertis verbis dicit, *Principi aut Statui Imperii erga uxorem illustrem nullam competere iurisdictionem.* Sed res in saluo est. Vel leuiter enim perkustrando MYLERVM occurrent nobis varia, ex quibus patet, eum in causa hac non constitisse sibi. Quid quod is si vel maxime foeminam illustrem a iurisdictione mariti sui liberam pronunciet, id ipsum tamen semper ex privilegio deducat, adeoque apprime nobiscum sentiat, cum talia sint praedicata, qualia esse permittuntur a suis subiectis.

VITRIARIUS *Instit. iur. Publ. L. III. Tit. 17. §. 10. ibique citati a PFEFFINGERO, iure priuato vtuntur, & quoad negotia sua, contractus, testamenti factiones, successiones ab intestato, ex communi iure censentur, ac iudicium Mariti sui pro foro competente agnoscere debent (i).* LIMNEVS *ad Aur. Bull. c. V. §. 3. obs. 4. p. m. 287.*

&amp;c

- (i) Equidem de priuatorum vxoribus valet regula iuris communis: *vxor sequitur forum mariti, l. 9. C. de incol. L. X. l. 13. C. de dignit. L. XII.* Ast quam primum eam ad vxores Regum & Principum applicas, falsa est haec regula, immo prorsus nulla. Reges enim, cum *personae publicae* sint, iudicem actionum suarum in hoc mundo habent neminem, & recte Poëta ait:

Subditus in Legem peccat, Regemque, Deumque,  
Rex peccat soli, Rex quia nempe, Deo.

Sed quae Regibus, Maritis suis, subsunt, Reginae, eos etiam actionum suarum iudices agnoscunt. Mea huc faciam verba SCHILTERI *in Instit. iur. Publ. L. I. T. 16. §. 3. dicentis: Etsi vero par in parem non dicatur habere potestatem, haut tamen ita in consortium Imperii recipitur Augusta, quin sit tamen societas coniugalis h. e. paritas inadaequata, vt tamen societas subordinata sit Imperatori atque marito. Quod re iudicata comprobauit Otto III. Imperator, Augustam adulteram & per calumniam homicidii ream ad ignem & viuicomburium damnauit, cognita causa in Senatu Principum. Cum quo egregie conuenit STRYKIO in diss. de foris Germ. singular. c. 11. §. 12. quando de Augustae iudice, inquit, nihil in A. B. expressum est, hinc haui ab re erit, si & in hanc quaestionem breuiter inquiramus. Et quidem si ad ius ciuile respicere quis velit, in eam necessario descendet sententiam, quod & ipsa forum coram Palatino sortiri debeat, cum ex l. 9. C. de incol. & l. 13. C. de dignit. satis manifesto constat, vxorem participem fieri fori mariti,*

& notit. Regni Franc. L. II. c. 19. litt. Ff. p. 891. Quod idem etiam quoad viduas Reginas, Imperatrices, Principesque foeminas obtinet; Licet enim eae eatenus liberiorum potestatem mortuo marito consequi videantur, quod iam a liberrima earum voluntate pendeat ordinare munera sua aulica, eaque obeunda credere cuicumque voluerint, cum contra Imperatoris vel Regis sit, domesticos utriusque sexus in aula Coniugis suae spartis

---

riti. Sed ex his legibus quaestionis decisio petenda non est, quia ex consuetudine Imperator forum coram Palatino sortitur, quae cum stricti iuris sit, ad Augustam extendi nequit; accedit, quod Augustis hoc privilegium tributum dicant Doctores, ut uxori & liberis ius dicere possint MENOCH. Conf. II. n. 22. quod iis generali dispositione A. B. ademptum non videtur. Neque exempla ex historiis desunt, v. g. Ottonis III. in Mariam coniugem, Henrici VI. in Constanriae suae adulterium, & Sigismundi in Barbarae suae barbaros mores severius inquirentium. BVXTORF ad A B & ! IMNEVS ad A B. c. 1. §. 3. obs. I. & postea c. III. §. 3. his iterum subiungit STRYK. Si Princeps ipse contra uxorem suam agere velit, siue ex capite adulterii, siue ex capite malitiosae desertionis, hanc in iudicio Principis conveniri posse puto. Licet uterque vir eruditissimus in exemplo Ottonis III. erraverit. Nam quae GOTHOFER. VITERB. Chron. p. 481. sq. IAC. A KOENIGSHOVEN Chronic. c. 2. p. 160. GOELIN. PERSONA in Cosmodrom. aet. VI c. 50. de supplicio a Maria, Ottonis III. coniuge, sumto narrant, hodie ad aniles fabulas pertinent, posteaquam certo constat, Ottonem III. numquam duxisse uxorem. HAHN Reichs Historie P. II c. 5. §. 7. n. e. melioris notae sunt exempla, quae in medium profert SPENER im Teutsch. Iure Publ. L. IV c. 11. §. 7. litt. e. f. Caeterum quaestionis huius satis manifesta utilitas in Germania sese crebro prodit in controuersis matrimonialibus & causa diuortii personarum illustrium.

tis & honoribus exornare; tamen cum dici nequeat, eas morte Augusti magis *personas publicas* fieri, quam quidem viuo Augusto fuere, ratio prorsus nulla foret, cur a Legibus Imperantis contra huius voluntatem eas eximamus(k). De filiis, Regni heredibus, res forte dubio non caret(l), eos aequae, ac *fratres Regios*, omnemque domum Augustam, tam diu priuatorum hominum iure censerī, quam diu *privilegiis summæ potestatis* aliud non impetrarunt; & illi ipsi fere Doctores, qui *subiectionem civilem harum personarum illustrium* in dubium vocant, negare tamen non audent, eas in statu naturali priuato esse constitutas. Vnde HERTIVS in *diff. de subiectione*

ne

(k) Ad capita quidem iuris in Germania controuerſi hæc quæſtio ab Illuſtri D. MOSERO in *Grundriß der heutigen Staatsverfaſſung des Teutſchen Reichs* L. III. c. XI. §. 10. refertur; ſed quis non videt, vnicam hanc inter *personas publicas & priuatas* diſtinctionem dubium fere omne tollere, exemplis ſententiam noſtram confirmat SPENER l. c. not. g.

(l) Equidem diſſentit GRIBNERVS *diſt. diff. de præiudicio Pp. imperii ex abuſu iuris Iuſtiniani* c. 2. §. 6. not. b. c. §. 7. not. a. §. 12. not. b. & ex natalium ſplendore in tam illuſtribus perſonis effici credit, vt locum in iis habere nequeat, quicquid ex ſolis LL. ciuilibus ad patriam poteſtatem referendum eſt. Vnde inferre vult, ſi *teſtamenti factio, contractus mutui celebratio, ius acquirendi &c.* in regno LL. ciuilibus filiisfamilias negatum eſſet, non tamen id negatum fore Principi filio. Sed quam iniurioſa hæc ſententia ſit in poteſtatem ſummam videant alii. In Dania noſtra LL. *Codiciſ Christianei* L. I. c. II. art. 1. cautum: *ne quis alius in cauſſa domum Auguſtam concernente iudicare præſumat, quam is, cui id Sacraſſima Regis Maieſtas commiſit.* Quæ quam curate principiis noſtris conueniant nemo non videt,

ne territ. §. 6. T. I. Opp. p. m. 376. cum uxor, inquit, libe-  
rique Principum ac Comitum SUPERIORITATEM NON PAR-  
TICIPENT, habitatio autem in regione SUBDITVM FACIAT,  
non intelligitur, qua ratione sint exempti. Sane in REGNIS  
VXORES LIBEROSQUE REGIBVS SVBESSE NEGARI NEQVIT.  
Haec autem difficilior forte erit quaestio: Vtrum, qui su-  
persite Rege ad successionem vocantur, Principes per hanc  
electionem PRIVATAM CONDITIONEM exuant, & PERSON-  
NAE PVBLICAE in sensu proprio fiant? ad cuius decisio-  
nem ab utraque parte allegari possunt momenta varia.  
Certe in Germania, vbi haut raro iam contigit, vt Rex  
Romanorum fuerit electus, quaestionem hanc utilita-  
tis alicuius practicae esse inficias ibit nemo. Neganda  
forte priuata eius conditio videbitur iis, qui obiter sal-  
tim aspiciunt & perpendunt verba *Rec. Imp. de A. 1542.*  
*§. 102. aus Königlichcr Macht und Vollkommenheit, item*  
*Rec. Imp. de A. 1555. §. 65. im Nahmen Ihro Kayserli-*  
*chen Majestät und für Uns selbst,* quippe ex quibus  
primo intuitu colligi posse existimabunt, *maiestatem Re-*  
*gis Romanorum fere numero eandem cum maiestate Impera-*  
*toris esse.* Ast qui in ipsam vim verborum penetrant,  
&, ceu par est, schemata huiusmodi longe inferiora  
censent, quam vt exinde sufficiens argumentum pro po-  
testate Regia formetur, concedent nobis, cum Rex  
Romanorum non *Coinperator*, sed *designatus saltem suc-*  
*cessor* sit, affirmare priuatam eius conditionem iubere ip-  
sa verba *Rec. Imp. de 1542. §. 2. 3. vbi ipsemet Impera-*  
*torem DOMINVM SVVM salutatur,* quibus quae de v-  
nitate maiestatis iam a nobis dicta sunt, mirifice suffra-  
gantur. Quid quod etiam moribus gentium illud ap-  
pro-

probatum sit, ipsos *Reges post Regni abdicationem* definire *pro personis publicis* censeretur (m).

### §. III.

III, Ex origine iuris  
ordinati &  
publici.

Sed nec minor est, quae quoad originem inter *ius priuatum & publicum* obtinet, *differentia*. Licet enim quoad causam efficientem plerique nihil hic discriminis subesse statuant Icti, rati, vtrumque vel a publica potestate, vel a primo pacto ciuitatis ortum ducere, mihi tamen res aliter semper visa. Scilicet παράδοξον, quod non dissimulo, redolet, dicere: *ius publicum legibus Imperantium proprie sic dictis determinari*. Nemo enim tam supine ignarus est rerum Politicarum, quin duplicis generis esse regna & imperia nouerit, cumque quaedam eorum ita comparata sint, vt limitibus in iis circumscripta & legibus temperata sit Imperantis potestas; quaedam in quibus ille, qui ad clauum reipublicae sedet, liberissima voluntate, absolutissimoque imperio dominatur, facillimum erit, hunc ipsum errorem confutare. Nam si finxeris, gaudere Imperantem potestate absoluta, frustra erit leges de forma imperii ferre, quippe quae leges obligarent in ciuitate neminem, nisi Principem solum, (n) quem sibi legem dicere nec voluisse, nec potuisse

(m) Vnde etiam eos post abdicationem Regni Legatos, quibus immunitates illae inre gentium Legatus debitaе competant, mittere non posse, res vbiuis locorum explorata est, cui exemplum Reginae Christinae Suecicae non obstat, quia, quos ipsa Legatos misit, admissos fuisse ab aliis Regibus magis ex regulis honestatis, quam iuris nouimus.

(n) Quae etiam causa allegari debet, cur exulet regulariter in Monarchiis iuris publici particularis doctrina, vel certe in pau-

se ipsa natura rei & quae praecedenti §. fuere dicta cunctant. Non voluit, quia alias ipse suae absolutae potestati obicem poneret: non potuit, quia ad legem requiritur *repraesentatio mali in casu violationis*, quod poena dicitur, nemo autem sibi adeo inimicus esse potest, ut sponte semet puniat, vel male sibi cupiat. Quod si autem *imperium adductum* supponis, Imperantis arbitrio quoad formam imperii & negotia publica, ex quibus *ius Publicum* emergit, locum non esse, sed ab Ordinum consensu pendere plurima, facile inuenies. Ex quo conficitur, *ius publicum*, quod in hoc adductae reipublicae statu emanat, *in conventionibus vel expressis vel tacitis inter imperantes & subditos initis civitatis statui vel in totum vel ex parte formam perpetuam tribuentibus consistere*. Vnde iam licet in statu reipublicae Democraticae etiam privatae leges per modum pacti scribi soleant, seu rei huius egregium in Legibus apud Romanos libera adhuc reipublica latis exemplum habemus, id tamen nec cons-

## C 2

stans

paucissima capita redigi possit, uti recte observat D. de LUDWIG in *singular. iuris publ. p. 142 seqq.* & in *Praefat. der Rechtlichen Erläuterung der Reichshistorie*. Non quidem ob hanc, ut multi somniant, causam, quasi ad dominantis duntaxat utilitatem atque commodum, neutiquam vero ad subditorum emolumentum hic referantur omnia, tale quid enim nullibi, nisi in *Regno pleno* ac *περὶ βασιλεία*, cuius ARISTOTELES *L. III. Polit. c. 16.* meminit, locum habet, vid. B. BVDDEI *Phil. Praef. P. III. C. V. Sect. XII. §§. 18. 25 & 30.* & qui longe plenius haec tractat, D. de LUDWIG in *diff. de Oblig. Success. in Princ. & client. c. 1. §. 2. sq. Opp. T. I. L. 1. f. 142. sq.* sed quia in negotiis ad salutem civitatis spectantibus nihil hic Imperanti illicitum censeretur potest, quod non religio vel recta ratio fieri negat,

stans est, nec ad alias rerumpublicarum formas, *Monarchiam* scilicet vel *Aristocratiam* quadrat; contra *ius publicum* omne, quetuncumque supponas reipublicae statum, semper est *pactitium*; nec, si quae in eo conventiones *abusivae leges* dicuntur (o), alio id sensu valet, quam quoad obligationem, quoniam scilicet posteaquam *pacta* ob iuris naturalis auctoritatem, *ius producunt*, parum in societate humana interesse videtur, an *immediate ex lege*, an *ex pacto obligatio* descendat. Licet nec cum iis digladiari velim, qui idem *ius publicum*, quod Imperantes per modum contractus obligat, respectu subditorum *pro veris legibus positivis* habendum esse contendunt.

§. IV.

(o) Mirum est, quantum quaestio haec ingenia nonnullorum Eruditorum Germaniae torserit olim. Cum enim viderint *Capitulationem Caesaream pacto* novi electi Imperatoris cum Electoribus nomine Imperii inito niti, adeoque semper in *Capitulationum Prooemiis* recitari verba, quibus Imperatores fatentur: *Dass Sie sich aus freyem gnadigen Willen dieser nachfolgenden Artikel mit denen Churfürsten Beding- und Pactisweise vereiniget, vertragen, dieselbe angenommen, und zugesaget haben*; Interim tamen ab altera parte animaduverterint, hanc ipsam *Capitulationem legem fundamentalem* communiter dici v. g. in *Capit. Leopold. Art. 36.* in Electorum ad factam a Caesare auf dem Chur- und Fürstentage zu Regensburg a. 1623. propositionem responso de dato d. 20 Jan. 1623. ap. LONDORP. *T. II. actor. publ. L. VI. c. 171. f. 661.* etiam quidam, qui alias agmen inter eos ducunt, nesciuerunt fere, qua ratione conciliari haec queant. CARPZOV. *de Lege Reg. Germ. C. I. Sect. IV n. 9.* CONRING *ad LAMPADII Libellum de Republica Romano Germanica* P. III. c. 2. §. 12. *Opp. Conring. T. II f. 81. sq.* STRAVCH *dissert. Exoter. IV. th. 27.* Sed nostra haec conciliandi ratio nihil dubii amplius relinquit.



## §. IV.

*Novam pandit haec observatio inter ius publicum & priuatum diuersitatem.* Quando enim ad effectus legum priuatarum respicis, vnus is est, scilicet obligatio, si legem praeceptiuam vel prohibitiuam supponis, aut facultas agendi vel non agendi, si lex mere permissiua est. Ast longe aliter sese res habet quoad leges publicas; ex his enim duplex semper effectus, scilicet & potestas legitima & obligatio propullulat. Quin immo in ipsa obligatione, utriusque legis effectus, mira est diuersitas. Cum enim aequalibus in aequales ius cogendi a natura sit concessum, Superioribus vero in subditos illud etiam ex lege naturae, quatenus imperium, adeoque etiam ius cogendi in Principem delatum, competat, subditis tamen cogere eum, cuius sunt subditi, numquam licet, vt recte philosophatur GROTIUS de iure belli & pacis L. II. c. 14. §. 6. Vnde magis argumentum est, quo uti poterit Orator, quam ICTUS, quando DIO CASSIUS in vita Traiani narrat, Imperatorem cum Surae, quem Tribunum militum creabat, pro more parazonium nudum porrigeret, dixisse talem ensẽ accipe, quem pro me ita demum strinxeris, si iuste imperaui, quod si perperam quidquam a me fieri cognoueris, eo in perniciem meam utaris velim. Quae ipsa nostra sententia ne peruersa aut iniqua videri possit, age, quaeſo, adspice statum, vbi subditi Imperantem ad aliquid cogere iure suo, id est sine fraude, sine laesione & violatione maiestatis eius atque sanctitati illata, & videbis mox, si possibilis foret talis casus, Imperantes durioris fore conditionis, quam ipsos ciues in republica. Cum enim extra eum casum, quo quis ciuium in statu naturali extraordinario versa-

IV. Ex effectu iuris publici & priuati.

tur, in republica bene constituta ius sibi met ipsi dicere queat nemo, quia necesse fuit, vt *aequalitati naturali* renunciarint, qui in vnam coaluere ciuitatem, adeoque, quae *ex naturali libertate* agere poterant singuli, illa is tantum retinuerit, qui reipublicae praest; quilibet cernit, resistendi facultatem, quae ex iure naturali fuit, amplius cum subiectione & pace civili subsistere non potuisse, adeoque nec mirabitur, ciuem alterum ab obligatione sua recedentem, vel in ea exsequenda iusto segniores, vt officio faciat satis cogere posse neutiquam, sed iudicis hic implorandum esse auxilium, eiusque expectandam decisionem. Quod solum vero iam euincit, si vlla vmquam daretur occasio, vt subditi cogere possent Principem, nec tamen peccarent in maiestatem eius, euenturum, vt iis reuera plus erga Principem liceat, quam erga conciuēs ipsos (p).  
Non

- (p) Ampla hic esset occasio disputandi contra BODINVM, qui licet recte docuerit, Principem ob tyrannidem vel abusum iuris Regii a subditis puniri non posse, exteris tamen Principibus licentiam vindicandi iniurias subditis ita illatas praeter rationem profecto, & inuita Themide ipsa tribuit, oblitus procul dubio, quod si tale quid agerent exteri, *ad preces subditorum*, id reuera thesin suam destrueret, cum quae quis agere non possit ipse met, ea etiam is nequeat agere per alium; sin vero motu proprio de iniuriis huiusmodi vindicandis consilium Principes alii agerent, quod ita bellum gereretur *punitium*, quod quantum a recta ratione recedat pridem euicerunt viri eruditissimi. Sed temporis ratio & dicendorum copia prohibent, ne tam graue argumentum heic pertractemus. Itaque hoc vnum monemus, disputasse iam contra BODINVM quaedam, quae mirifice nobis

Non obseruant hoc inconueniens monarchomachi, vel certe fingunt, quasi illud ignorarent. Nam dum nimio mentis acumine & artificio plus quam Colchico iura Principum oppugnare audent, absurda & praepostera omnia arripiunt. At si exempla Magnatum aspicimus, quot quot fuere excitatoris animi Principes, etiam in rebus publicis adductis reuerentiam hanc iuris Regii, sicuti opus, ordinibus commendare non dubitarunt. Sane de Elisabetha, virilis prorsus animi Heroïna, CAMDENVS refert, eam subinde modestiae admonuisse curiam, immo plenis comitiis denuntiassse: cauere Principis patientiam laedere. *Part. I. annal. 1566. p. m. 103.* quid in Gallia saepius, praecipue superiori saeculo, cum curia iure admonendi Regem de edictis conditis & usurpanda potestate Regia nimis libere vti vellet, actum, nemo historiarum gnarus ignorare potest, partem eorum refert BARTHOLOM. GRAMONDVS l. 5. *historiar.* & LIMNAEVS in *addit. T. IV. c. 2. ad n. 17.* ex Mercurio Gallico T. 12. probat prohibuisse Regem Ludouicum XIII. ne quis in Gallia quidquam de potestate Regum vel in affirmatiuam vel in negatiuam partem decernere audeat. Quibus omnibus igitur pensitatis nullus dubito asserere, in omni Imperante ex iure publico plenam quidem & perfectam, si forum conscientiae spectas, imperfectam vero, seu, quod rectius dicitur, minus plenam saltem, si ad forum huma-

---

nobis placent, acutissimum & ingeniosissimum PETRVM BAYLIUM in *Diction. Crit. f. 630. litt. P. edit. Rot. de a. 1702.* a quo ipso etiam illud erroneum ALTHVSII dogma: quod proprietat maiestatis apud populum resideat, ususfructus apud Principem iam quodammodo l. c. f. 177. *litt. B.* impugnatum nouimus.

*humanum oculos dirigit, obligationem produci. Neque nobis obiici poterit, nasci tamen ius perfectum ex omni pacto. Quod si enim de foro conscientiae sermo est, verum hoc erit, ubi vero de foro humano, limitandum id esse arbitror, quatenus personae paciscentes inter se aequales sunt, ut qui in statu libertatis versantur, vel qui utriusque in republica conditionem priuatam obtinent. Sane uti in multis quaestionibus iuridicis, sic in hac Catone aliquo nobis opus esse videtur, qui inter tot proteruos legum interpretes, (qui sine philosophia philosophari audent, quorumque haud pauci, ne quid sceleris desit, sub pallio sacro monarchomachica principia celant, & ad diuina oracula in tam morbida causa prouocant,) ceu ille, teste SALLUSTIO de bello Catil. c. 52. conqueratur, nos, quotiens de iuribus Regum loquendum est, importunitate hominum priuatae sortis vera rerum vocabula amittere.*

### §. V.

*V. Ex modo  
obligatio-  
nis ipsius.*

Quin immo & in modo obligationis ipsius magnum latitat inter ius publicum & priuatum discrimen. Quae enim scribuntur *Leges civiles subditos saltem obligant*, & si ad extraneum, qui in numero subditorum non est, extenduntur, id tamen nec de omnibus dicendum est, nec nisi per accidens fit, quoniam scilicet is in *Legislatoris territorio* degit (q), & *persona priuata* est. GRO-

TIVS

- (q) Sic *leges poenales* etiam aduenas obligant; unde v. g. qui adulterium, in ciuitate, ubi illud ex legibus ciuitatis capite punitur, committit, recte ad mortem condemnatur, licet in ciuitate sua poena saltem pecuniaria adulteros maneat. Sic etiam *leges in rem conceptae* extraneos obligant; sic

TIVS de I. B. & P. L. II. c. 2. § 5. Sed vbi de *Legibus publicis* sermo est, eae *indistincte omnes*, siue sint *subditi*, siue *extranei*, siue in *Imperantis territorio publicam*, siue *priuatam personam* sustineant, siue *intra*, siue *extra fines* & *limites eius* degant, obstrictos tenent obligatosque. Sic v. g. in Dania, posteaquam absolutissimum & hereditarium Imperium REGALI STIRPI ET FAMILIAE AVGVSTAE, nutu diuino, magno populorum beneficio obtigit, Lex, quae de successione in utroque Regno agit, *publica* est, adeoque licet Regum exterorum nullus REGI AVGVSTISSIMO subiectus sit, tamen eos *indistincte omnes* tenet, ne quidpiam vel ipsimet agant, vel in suis territoriis scribi & agi patiantur, quo aeternus huius Legis sacratissimae valor minui, frangi, aut euerti queat. Et licet in casu contrauentionis DIVINISSIMO NVMINI REGIO in aliam liberam ciuitatem *puniendi* (r) *ius* non competeret, (neque enim genti liberae in alteram *imperium* datur, ex quo solo, vt in praecedentibus iam indice digito ostendimus, omne *ius puniendi* a Iureconsultis, qui recte loqui volunt, deducitur,) competit tamen *ius belli*, tamquam in hostem & inuasorem securitatis & tranquillitatis publicae.

D

Pen-

sic denique leges, quae disponunt de solemnitate. alicuius actus, normam agendorum extraneis constituunt, vbi volunt, vt in ciuitate illa alicuius sint valoris.

- (r) Neque enim, vt modo diximus, *bella punitiua* GROTII. & eorum, qui in eius verba iurarunt, nobis placent, quippe quae e societate humana tranquillitatem & pacem omnem proscribunt; & alia omnino est *iustitia vindicatiua*, alia *punitiua*, illa respicit semper iniuriam nobis illatam, haec interdum iniuriam, qua laesus est alter.

Pendet ex hac obseruatione omne illud discrimen, quod obseruandum in *delictis Legatorum*, vel eorum, qui in Legatorum ministerio domestico & comitatu sunt. ALBERICVS GENTILIS *de legationibus* L. II. c. 15. Qui enim contra *leges priuatas poenales* nostrae ciuitatis deliquere, Legati aut Comites eorum & ministri, *saluo iure Gentium* puniri posse non videntur, sed si quid recte intelligimus, remittendi erunt ad populum, a quo missus est Legatus, & cuius *characterem maiestatis ac libertatis naturalis* is apud nos gerit (s). GROTIUS *de Iur.*

- (s) De Legatis quidem res certa fere & explorata. Sed de comitibus & ministris Legatorum plus dubii superesse videtur. Cum enim hi *personam publicam* sustineant numquam, vbi quemquam ex iis, ad quos cum Legato venerunt, iniuria laeferint, vel atrocius crimen, quod vindicare publice interest, commiserint, ad deditionem eorum cogi posse Legatum communiter docetur; GROTIUS *d. c.* 18. §. 8. Et haec ipsa sententia multis eo verior videtur, quia nonnulli primi ordinis Icti pridem asseruerunt, quod Legati ipsi propriam in domesticos suos iurisdictionem non habeant. HYDER *de iure ciuit.* L. III. f. 4. c. 2. §. 30. sed praecise necesse fit, hanc vt acceperint a Principe suo ZIEGLER *in not. ad Grotium* p. 419. GERHARD VON STOECKEN, *de iure legation.* th. 16. litt. e. At enim vero non mihi satis facere videtur ita sentientium opinio. Praeterquam enim quod pro fundamento decisionis controuersiae huius allegent, quod ipsum adhuc iuris controuersi est; (vide enim FVRSSTNER. *de iure supremat.* c. 6. p. m. 14.) ita sane hoc modo expeditum non erit, quid tunc sentiendum, vbi Legato talis iurisdicctio in domesticos suos a Principe mandata fuit, nec tamen in eius exercitum consentire vult populus, ad quem is missus est. Quare dicam

*Iur. Bell. & Pac. L. II. c. 18. §. 4. BOECLERVS in diff. qua  
sacra Legationis exponit §. 24. Opp. Tom. Poster. p. 1113. sq.*

D 2

KVL-

cam ego, quid mihi videtur. Scilicet hac in re a iudicio civitatis, ad quam missus Legatus, ante receptionem eius pendere videntur omnia; post receptionem autem, & ubi is simpliciter admissus, neque iurisdictio ipsi in comites & domesticos negata, ea amplius commode in dubium vocari non poterit, quia facile ita per indirectum Legatus in eum statim conici posset, ut nec sua, nec civitatis suae, a qua missus est, iura tuta satis sint atque secura, quod ipsum vero ne fiat, recta ratio, quae Legatorum ipsorum immunitatem introduxit, quovis modo prohibet. Accedit, quod cum Legati fictione quadam iuris immunitate & iuribus personarum mittentium gaudeant, nihil impediat, quo minus in ipsorum gratiam fingatur etiam, ac si omne illud, quod a domesticis eorum commissum est, extra civitatis, in qua degunt, territorium commissum esset. Exempla Legatorum, vel eorum domesticorum propter delicta civilia punitorum nihil probant. Neque enim iam de eo, quod factum est, sed, quid fieri debeat disputamus. Quare finge Legatum, vel eius domesticum homicidii reum iure puniri a Principe, ad quem missus est, quale quid fratri Lusitaniae Regis Oratoris, Pantaleoni de Saa, sub Cromwello in Anglia evenisse legimus, fingeres profecto aliquid, quod pacem omnem inter gentes profligare posset, nihil enim magis naturale est, quam ut quilibet eodem iure utatur, quod in alterum statuit. Gens igitur, a quo Legatus missus, potius exoranda erit, ut supplicium dignum de eo sumat. Et sic inultum non patitur crimen Dominus territorii, in quo fuit peccatum, nec indignationem divinam ob peccata non punita in se concitabit. DEVS enim semper DEVS est ordinis. Fatigavit haec controuersia iam crebro eruditorum calamos. Nec

KVLPISTVS in *diff. de Legationibus Statuum Imperii c. XXI.*  
 §. 3. GERH. VON STOECKEN *de iure Legationum th. 21.*  
 HUBER *de iure ciuitat. L. III. Sect. 4. c. 2. §. 31.* Ast quam pri-  
 mum agere quid contra *leges publicas* audet Legatus  
 ius ciuitati in vitam eius & bona quaesitum est, non  
 per modum *poenae*, sed per modum *vindicationis iniu-  
 riae*; ARVMAEVS *de iur. publ. discours. 12. p. 73. sqq. T. I.*  
 ZIEGLER *de competente delinquentium iudice & foro §. 19.*  
 Opp. p. 317. non quia *subditus* sit, vel *persona priuata*, vt  
 putat PELZHOFFER *Arcanor. stat. L. IV. §. 14. p. 50.* talis  
 enim fit numquam, sed quia, vt recte ait WIQUEFORT  
*L. I. Sect. 29. tout Ambassadeur, qui prend parti, perd le pri-  
 uilege de son character.* Quod si autem perdit priuile-  
 gium characteris sui, non amplius meretur securitatem  
 publicam, sed *hostis* est, & secundum ea, quae modo di-  
 ximus, nec ipsa gens, nec Rector eius, in hoc casu, li-  
 bertatem atque immunitatem amplius in nostro terri-  
 torio praetendere potest (r).

## §. VI.

Nec enim quid euenerit Petri II. Lusitaniae Regis Legato,  
 Marchioni de Arronches, in Aula Imperatoris Leopoldi  
 ob interfectum ab eo Comitem de Hallweil incognitum est.

- (r) Secus qui sentiunt cum ALBER. GENTIL. *l. c. L. II. c. 18 &*  
 19. FVRSSTENER *de iure supremat. d. c. 6.* iterum non intelli-  
 gunt, quantum tranquillitas publica rerum publicarum  
 postulet, ne inuiolabilitas Legatorum prorsus sit illimitata  
 Confutiss. D. NECKER *Unterricht des Deutschen Staatsrechts*  
*T. I. c. 14. §. 21 sq.* Quid hoc saeculo de hac re in Anglia  
 fuerit disputatum, neminem fugit rerum publicarum non  
 plane incurium.



## §. VI.

Neque hoc mirum esse poterit, qui *novam inter ius publicum & priuatum differentiam* perpendit. Ostendimus enim iam indice digito in §. I. per *statum civilem* actionibus ciuium novos inditos fuisse respectus in *statu naturali* plane incognitos, dum *negotia* eorum mox *publica*, mox *priuata* facta sunt. Iam igitur quae *priuatae* sunt *leges*, pro obiecto habent *negotia & res priuatorum*, adeoque horum potissimum *commodum, utilitatem & salutem domesticam* (u) intendunt; Contra *leges publicae* *immediate, directo & principaliter*, id est, *intentione & executione*, *statum reipublicae*, eiusque *securitatem, gubernationem & conseruationem*, ac, vt ARISTOTELES ait, *L. I Ethic. c. 2. inf.* τὸ πόλις ἢ ἔθνος ἀγαθόν vel τὸ κοινὴν συμφέρον *L. III. Polit. c. 8.* spectant, adeoque etiam *commune* totius illius ciuilis compagis *emolumentum, bonamque* promoueri cupiunt (x). Vnde si *obiectum*, quod aiunt,

VI. Ex intentione promouendi publicam & priuatum utilitatem.

D 3

mate.

- (u) Non quidem sub *ratione utilitatis priuatae*, sed sub *ratione iusti*. Nam *directo* consulere & *prospicere singulorum utilitati* atque *commodo*, non tam ad *scientiam iuris*, quam ad *artem oeconomicam* pertinet. Nec *finis remotus iurisprudentiae priuatae* est, *inuestigare & augere bonum priuatorum* in se spectatum; sed *stabilire commodum publicum*, & consulere *bono ciuitatis totius*, ast cum iterum redundet in singulos *utilitas publica*, quod *publico* prodest, *singulis* redditur *utile*, non *primario*, sed *secundario*.
- (x) Sed inquires, quacnam est haec *utilitas publica*? Cum in *exercitio iuris publici* haec raro euertantur *familiarum integritarum fortunae*, vt in bello & *dominio eminente*, obex ponatur *utilitatibus singulorum*, vt plerumque in *legibus*, quae *naturalem commerciorum libertatem* restringunt, minuan-

*materiale Legum ciuiliū intueris, res offendis mere domesticas, & huiusmodi actiones, in quibus ciues non con-*

minuantur *oper domesticae, vt in collectis & tributis. &c.* Et patere, vt hic mea faciam, quae PETRVS AERODIVS in *Pandect. rer. iudic. L. II. tit. 17. f. 148.* habet. Quando ait: *Iura Imperiorum (inquit Aristides in Panathenaica) sic se habent, vt ea non ex damno aut commodο priuatorum inferiorumue, sed ex publica utilitate, salute communi, imperiique vi & praerogatiua metiamur. Quemadmodum Summum mundi Gubernatorem ex maximis suis beneficiis erga nos, non ex tonitru, ex chasmate aut grandine contemplamur: victoriamque ex pace, ex opibus, gloria & tranquillitate, quae eam consequuntur, non ex sanguine, vastatione, damnationibus & proscriptionibus, quibus solet ad eam tamen perueniri.* Interim ne haec responsio nostra nimis sit generalis, ex ALCIATO notabimus *publicam utilitatem* modis considerari quatuor. I) Cum in vniuersum & particulariter commodum aliquod affertur, sic in iusta sacerdotum magistratumque ordinatione salutem publicam consistere docet *l. 1. §. 2. ff. de l. & l.* Sic publice prodesse artem geometriae discere *l. 2. C. de malef. & mathem.* dicitur. II) Quae in vniuersum conducit, licet non prosit singulis; sic, v.g. quia de fisco locupletando agitur, publica utilitas circa praestations & naturam tributorum versatur. *l. pen. C. de Primipil. L. XII.* III) Utilitas propriae quidem & in se spectata priuata, sed ex qua publica consequitur. Sic Icti docent: publice interesse, vt ciuitas repleatur hominibus liberis, item vt dotes mulieribus conferuentur, quoniam id, quod exinde consequitur, in vniuersum prodest. IV) Publicae utilitati tribuitur illud, quod, quoties obtinetur, licet in vniuersum quemlibet particulariter non iuuat, singulis tamen prodest. Sic vulgo dicitur, *publice interesse, ne quis re sua male utatur.* S. penult. *Inft. de his qui sui vel alien. iur. sunt.*

considerantur quatenus *membra sunt unius reipublicae*, sed quatenus inter se *ut singuli* tale quid libere agunt, quod etiam, si *in statu naturali* adhuc essent, licite inter se agere possent, quorsum varia *commerciorum genera*, & reliquae *res merae facultatis* pertinent. Nam ut recte ait aevi huius Papinianus, Illustri D. D. BOEHMER *in iure publico uniuersali Part. Gen. c. II. §. IX. litt. n. licet omnes actiones ciuium subordinatae esse debeant saluti reipublicae*, hoc scilicet sensu, ne contra pacem ciuilem tentetur aliquid, propterea tamen omnia non sunt unius eiusdemque naturae; quare porro quam primum iam iuris publici obiectum materiale examinas, mera offendis *negotia publica*, seu quae *necessarium respectum habent ad exercitium administrationis reipublicae regimenque publicum*. Neque enim qui de iure ferendi leges, de magistratibus ordinandis, de regalibus, de pace & bello &c. disserit, aliter ciues spectare potest, quam in nexu suo cum Imperante, aliter Imperantem, quam in nexu suo cum subditis. Et haec ipsa *obiecti qualitas* in causa est, cur hodie apud Iureconsultos Leges ad *ius publicum* spectantes, quia *sanctiones sunt Principis populiue auctoritate*, ea intentione, ut perpetuum robur, *sanctitatem & inuiolabilitatem habeant*, DE PVBLICO CIVITATIS STATV, OB SALVTEM PVBLICAM, *latae & promulgatae*, in genere *Sanctiones Pragmaticae* dicantur (y).

## §. VII.

(y) *Πράγματα* enim apud Graecos dicuntur *causae publicae*, οἱ τὰ πράγματα ἔχοντες primates sunt, qui res publicas administrant. Quare Patres in Concilio Constantinopolitano III. ap. HARDVIN T. II. f. 606. ita alloquuntur Principes *ἐυσεβέσται τῶν πραγμάτων δεσπύται*, *Piissimi rerum publica-*

## §. VII

VII. Ex du-  
ratione u-  
triusque  
iuris.

Haec ipsa obiecti qualitas peperit nouum discrimen inter ius publicum & priuatum. Scilicet leges ciuiles scribuntur prouti id fert necessitas reipublicae, vnde & obrogatur illis, & derogatur, quin immo etiam ipsae met abrogantur iterum pro lubitu & voluntate legislatoris, suadentibus mutationem variis circumstantiis loci, personarum, temporis; ita vt *clausula legis perpetuae*, qua forte munitae sunt, nihil prorsus hic operetur. Sed non ita se res habet cum *legibus publicis*. Et enim hae, vti fundamentum sunt iurium inter Imperantem & subditos omnium, & in conspectu necessariae connexionis rerum ad statum publicum facientium consiſsunt, ideoque immutabilem rerum faciendarum cum Publico conformitatem declarant, vt probe obseruat BECMANN, in *medit. Politic. c. 13. §. 9.* ac regulariter, ceu supra §. 3. docuimus, communi pacto nituntur, omnis mutationis sunt expertes. Nam quod de Barbaris Regibus SALVSTIVS de bello Iugurth. c. 113. extulit, plerumque regias

volun-

---

publicarum domini. Quare porro rescripta in publicis causis exarata ῥῆα πραγματικά ap. HARDVIN. T. II. f. 437. litt. E. πραγματικοὶ τύποι in *Libr. Basilic. T. I. f. 110. 111. Leg. 23. 24.* vel etiam πραγματικά βασιλικά nominantur. Licet secundum mentem iuris Romani nomen Pragmaticarum Sanctionum in genere competierit Rescriptis Imperatorum ad cuiusdam vniuersitatis, vel officii publici preces, de causis publica, praeuio consilio sanctiori, pleniori stilo editis. l. 7. C. de diuers. rescripte. Observationem hanc totam fere debemus primario aeuī nostri Iureconsulto Illustri D. BOEHMERO, cuius egregia exstat dissertatio de Sanctionum Pragmaticarum indole & auctoritate.

voluntates, uti vehementes, sic mobiles, saepe ipsas sibi aduersas esse, id in Principe bono & Christiano, cumpri-  
mis tunc, vbi de eo agitur, quomodo *virtute & pruden-  
tia* reipublicae status obseruari, robur eius confirmari,  
opes amplificare queant, locum habet numquam; Prae-  
cipue cum, vt recte ait laudatissimus BECMANNVS in *Pol-  
itic. Parallel. c. 13. §. 8.* Principem, etiamsi hic titulus legum  
non esset, perpetuo seruare oporteret istud vinculum, quo respu-  
blica cohaeret; neque leges huiusmodi magis ei praeiudicent,  
quam ipse repraesentandi rempublicam actus; nec is ea pro-  
pter vel inferior sit, vel subiectionem aliquam induat; verum  
leges has si obseruet, non aliud doceat, quam veram se esse  
imaginem reipublicae, & eas, si non obseruet, non ideo plus  
potestatis accipiat, sed eo ipso a debito repraesentandi rem-  
publicam officio recedat. Valent igitur perpetuo leges  
fundamentales, nisi ab vtraque parte nouum, eumque ple-  
narium accessisse consensum de lege mutanda vel ab-  
roganda fingas. Dico plenarium. Nam licet, vt in su-  
perioribus dictum, in lege ciuili priuata vel immutanda,  
vel tollenda, in republica Populari aut Aristocratica ma-  
iora vota valeant, ea tamen nec in tollendo iure ex  
priuilegio quaesito in detrimentum priuilegiati, nec in  
abroganda lege *fundamentali* locum habent. LIMNEVS  
*iur. publ. L. IX. c. l. n. 184.* ceu etiam recte quondam Pro-  
testantes in Germania monuisse nouimus ex actis ap.  
LONDORP. quae citat PFEFFINGER ad VITRIAR. *Ins. publ.*  
*L. IV. tit. 1. §. 81. litt. a. p. 394.* Neque difficile est perpe-  
tuae durationis legum *fundamentalium* rationem reddere.  
Finge enim *Rempublicam*, ponis mox plures, qui ita  
vnierunt voluntates suas, vt idem iam velle & nolle in  
omnibus adfit, nec quisquam eorum amplius in ne-  
gotiis

gortis ad societatem communem spectantibus priuatam habere voluntatem intelligatur. Vnde etiam Respublicae significanter *personae morales aut mysticae* dicuntur. Iam autem nil magis naturale est, quam ubi *obligatio in persona est radicata*, qualis est in omni *lege fundamentali*, vt ea subsistat tam diu, quam diu *persona* subsistit. Quod si igitur iam naturam ciuitatum contemplamur, deprehendimus, populum omnem, qui ex post facto ciuitati accedit, quam diu ciuitas in statu ciuitatis permanet, semper ei ita accedere, vt in se recipiat *obligationem* eorum, qui primi rempublicam condiderunt, ac per consequens ceu *idem* manet *populus*, sic *eandem* semper manere *obligationem*; id quod egregio exemplo fluminis aquarum decursu assiduo non mutati ostendit ARISTOTELES, cuius illustrationem post alios exhibet IOHANNES GRYPHIANDER in *tr. de insul. c. 14.* Inde recte a Politicis dicitur, *Respublica non moritur*: Quod ipsum etiam adeo verum est, vt, licet mutaretur *reipublicae forma interna*, tamen, quia *ciuitas eadem* manet, id est, compages & structura reipublicae adhuc cohaeret (z) pristina maneret *obligatio* in republica ipsa radicata, ossibusque eius, vt veteres dixerunt, inhaerens. Vnde Athenienses post eiectionem Oligarchas triginta recte iudicarunt, se adhuc debere pecuniam ipsis a Lacademoniis creditam; BOECLERVS in *diff. de actis ciuitatis* Opp. p. 864.

- (z) Qui enim *ciuitatem* nominat, numquam intelligit multitudinem hominum sine ordine imperandi & parendi, qui spiritus quasi est, vnde ciuitatis perfectio repetenda. Hic ordo autem manet, quam diu ciuitas subsistit. Vnde aliud mutari ciuitatem, aliud tolli & dissolui eandem. *Formae* enim ciuitatum *accidentales* sunt, *Ordo imperandi & parendi* autem *essentialis* est.

864. id quod dum praeter rationem negauit ARISTOTELIS *L. III. Polit. c. 2. 3.* nominis sui memor fuisse non videtur, & recte ideo notatus fuit a GROTIUS *de Iure belli & pac. L. II. c. 9. §. 8.* & laudato BOECLERO. Hoc omne vero cum *mutata etiam reipublicae forma* verum sit, multo magis verum esse debet *forma reipublicae eadem manente*. Nam quando Imperans moritur, adhuc post mortem eius obligatum manere populum longe minus dubii habet; hoc ipso vero in obligatione manente, cum nouus surrogatur Rex, surrogatur is ita, vt abeat in obligationem eandem, qua obstrictum cernimus populum ipsum. Neque enim, nisi hoc fieret, *vna amplius esset voluntas in reipublica*, & vbi haec *vnitas voluntatis* cessaret, Respublica non amplius foret *vna persona moralis, vna societas*, sed, vt verbo dicam, *respublica foret nulla*. Quare operam ludere mihi videntur omnes illi, qui cum TABORE *in tr. de obl. Successor. c. V. Opp. Vol. 1. fol. 199. sqq.* Successorem factis Antecessoris sui in negotiis Respublicae causa susceptis, qualia sunt renunciationes, cessiones, donationes, instrumenta pacis, foedera, guarantee, vno verbo, pacta publica omnia, *obligatum esse* excogitatis captiosis distinctionibus, negant, in quibus refutandis iam GROTIUS *de I. B. & P. L. II. c. 14. §. 11.* ZIEGLER *de Iurib. Maieft. Ex. IV. th. vltima* & plenius D. DE LVDEWIG *edito integro opusculo bonae frugis pleno, quod VIII. est L. I. P. I. Operum Eius Academicorum laborarunt.* Quae ipsa etiam sententia quam paci & tranquillitati Rerum publicarum ac liberorum populorum sit aduersa, videant alii. Neque vero (vt in viam, a qua defleximus, reuertamur) quae *de immutabilitate legum fundamentalium* modo dicta fuere, temere quis ad Germaniam applicabit. Prouiti enim *ius publicum Germanicum* haut raro recedit a regula

gula, ob *formam Imperii irregularem*, vel, si nomen hoc offendit quempiam (quamvis cur offendant alios, causa adfit nulla) (aa) *mixtam*; ita etiam nullam apud Germanos deprehendimus *legem fundamentalem*, a qua non recessum sit saepius & multoties. Sic quem fugit, quot capita *Aureae Bullae* mutata hodie sint? conf. BRUNNEMANN *de mutat. Aur. Bull.* Quem latet, quoties sit impune recessum ab ipsa *pacis publicae ordinatione*, quae tamen palladium est internae tranquillitatis atque securitatis? Quis ignorat, quam id sit iuris controuersi, vtrum Rex Bohemiae *ordinatione hac pacis publicae* teneatur? conf. WENCESL. XAVER. NEVMANN *DE PVCHOLZ annotat. ad SCHWEDERI Introd. iur. publ. p. 17.* Quam crebro disputatum fuisse a viris eruditis legimus, vtrum Status Imperii statuere aliquid possint in suis prouinciis contra *leges vniuersales* in comitiis latas, & communi suffragio approbatas, quas vulgo *Recessus Imperii* dicunt? conf.

THO-

---

aa) Neque enim ideo *monstruosam* nominamus cum PVFENDORFFIO *republicam Germanicam*, si vel maxime eam dicimus *irregularem*, quia a decempeđa, qua ARISTOTELES emensus est Respublicas, recedit. Vnde existimamus, aliam esse quaestionem *iuris publici*, vtrum *nexus systematicus rei publicae concinnus* sit? aliam, vtrum sit *regularis*? Prior affirmari potest, licet negetur posterior. Nec negata posteriore statim sequitur conclusio: ergo respublica ipsa est *monstrifera*. Haec monstra enim illi saltem in cerebro suo sustinent, qui vel verae Politices ignari ad exemplum veterum illorum stultorum amasionum ARISTOTELIS sputum magni huius Philosophi lingere pro ipsa Philosophia habent, vel in re seria affectibus indulgere & Satyris ludere volunt, ceterum vltimum de PVFENDORFFIO, Summo alias viro, lippius notum est & tonsoribus.



THOMASII *diff. de potestate legislatoria Statuum Imperii contra ius commune*. Consultiss. D. NECKER *Unterricht in das Staatsrecht des H. R. R. P. II. L. I. c. 3. §. 8. fqq.* vtrum Imperator *ob periculum in mora* recedere a sua capitulatione possit? SCHWEDER *introd. ad ius publ. Part. Gen. c. II. §. 20.* NEVMANN DE PVCHHOLZ *ad b. l. p. 14.* Immo quid non ausi sunt, qui sacrilegos Vaeious Romani dictatus clarissimis Scripturae sacrae decretis praeferunt, contra ipsam *pacem religiosam*, sanctionem, quam sanctissimam esse iussit ratio, quae nemini in ciuitate in conscientias imperium tribuit, sed hoc *ad Reseruata Diuinae Maiestatis iure* meritoque refert? quid non ab impietate actum, vt *pacem Westphalicam* furiali veneno obliteratum eat? quid non sinistri loquitur fatalis illa *clausula articuli IV. pac. Rysuic.* quam haecenus Corpus Evangelicorum abrogari frustra a Caesare, frustra a suis Constitutibus Pontificiis, frustra a fideiussore Pacis Westphalicae, Rege Galliae, flagitauit? quas mutationes tamen omnes non in *legibus priuatis*, sed in *legibus publicis* euenisse credo palam erit (bb). conf. Illustris D. D. BOEHMERI laudatissima dissertatio *de Sanctionum Pragmaticarum*

## E 3

rum

(bb) Quamuis forte illud dicendum sit, aliquam partem mutationum in legibus fundamentalibus Imperii Germanici factarum exinde venire, quoniam ne vnā quidem *Sanctionem Pragmaticam* scriptam habent Germani, quae meras res publicas statum imperii publicum eiusque administrationem concernentes tractet, sed iis omnibus admixta sunt multa, quae partim ad *negotia priuatorum*, adeoque ad *ius priuatum* spectant, partim *de rebus transitoriis* disponunt, quae vltima licet tunc temporis, cum sancirentur, ad *statum publicum imperii* spectauerint, tamen iam obtento fine, mutatis circumstantiis, elapso tempore antea praefinito &c. valore suo carent.

*rum indole & auctoritate, ubi per integrum cap. II. ostenditur, naturam legum Pragmaticarum omnibus his iuris publici Germanici capitibus conuenire. Quibus exemplis confit, nihil esse adeo sancte excogitatum, mutuis pactis & stipulationibus munitum, legibus fundamentalibus aeterni valoris ergo annumeratum, contra quod frontibus aduersis, cauillationibus impudentissimis, cum summo ludibrio & dedecore omnis eruditionis, non audeat agere mortalium infraenata licentia. Equidem quando haec de immutabilitate legum fundamentalium dictum, id intelligendum neutiquam, quasi nullo umquam tempore mutatio in iis fieri queat. Nihil enim magis naturale est, quam ut, quae mutua voluntate hominum sanciantur, mutua etiam eorum voluntate iterum tollantur; utque in commodum Reipublicae tendere debent leges omnes, ita iustum est, ut quando publica ciuitatis utilitas aliud suadet, illud, quod statutum antea, abrogetur iterum; quo ipso postea euenit, ut quatenus lex fundamentalis mutatur in iis, quae ad formam reipublicae pertinent, eatenus etiam ipsa quoque ciuitatis forma mutetur, licet non tollatur illico. multo minus vero desinat & dissoluatur totus nexus ciuium (cc).*

§. VIII.

(cc) Qui in iure publico tradendo a more pedariorum Doctorum recedunt, distinguere solent inter *Formam* siue *Statum* Reipublicae, & *Modum* administrandi *Reipublicam* ipsam, tantumque hic, discriminis deprehendunt, quantum inter *rem ipsam* & *modum rei* interest. Quae enim Reipublicae formae & statui debentur, efficientiam habent ἀεχνην, & ἀνεσπρίαν necessariam, atque hinc salua *Forma*, siue saluo *Statu*, mutari possunt numquam: Sed quae ad *modum* administrandi & gubernandi *Reipublicam* pertinent, vicaria sunt, aut instrumentis, adiumentis, subsidiis, ministeriis destinantur,

§. VIII.

Sed nec ea differentia silentio est praetereunda, quam alii in eo quaerunt, quod *leges publicas simpliciter* & *absolute interpretari* non possit quisquis sit Iurecon-

sul-

VIII. Ex  
restricta  
magis in  
iure publi-  
co inter-  
pretando  
licentia.

nantur, quibus neque necessitas talis, neque efficientia talis tribui potest, etiamsi *consuetudinis simplicis* (id est talis, quae legis auctoritatem aduersus Legislatorem, & praeter voluntatem Legislatoris vindicare sibi nec potest, nec debet,) *habitu* induissent; quare etiam *salua una eademque forma* plus vice simplici mutari possunt. Interim ea differentia insignis est, quae post mutatam formam reipublicae inter *ius priuatum* & *publicum* emergit. Illius enim usus regulariter remanet, nisi expressa fiat abrogatio, huius vero mentio statim post talem mutationem amplius fieri nequit. Sic pulsus Roma Regibus multae *leges ciuiles* sub Regibus latae remanserunt, licet *iuris Regii* memoria omnis damnata fuerit; & vicissim veteri *statu populari* sub Augusto eiusque Successoribus abrogato proscriptum quidem sensim sensimque fuit vetustum *ius publicum*, quatenus illud de iuribus populi in comitiis calatis, de Senatus auctoritate, de potestate Tribunicia, de Augurum & Pontificum privilegiis &c. agit, numquam vero abrogatae Leges XII Tabb. potius quicquid ex iis *priuati iuris* erat, populo fere sine ulla mutatione & imminutione fuit relictum. Sic ob mutatam hodie rationem administrandi imperium, quae in posterioribus illis Codicis Iustiniani libris habentur, extra omnem usum sunt, nec sine iniuria applicari Germaniae Principibus possunt. Quod ipsum ingens inter *leges vetustas publicas* & *priuatas* discrimen cum non obseruarent multi viri eruditi, qui patriae suae historiam & statum publicum explicare scriptis suis ausi sunt, indignationem publicam proprio suo iumento sibi attraxerunt, martyresque

si atus

sultus, *privatas* vero interpretetur, qui eas *applicat* Iudex, quique eas vel *in cathedra*, vel *scriptis exponit*, Doctor. Sed ut verum fatear, licet semper mihi recte monere visus sit HORNIVS *Iur. Publ. c. 1. §. 29.* RHETIVS *Iur. Publ. L. I. T. 1. §. 45.* SCHILTER *Iur. Publ. L. I. T. 2. §. 16.* prudentia summa *in iure publico interpretando* opus esse, quia *leges publicae plus singularitatis, quam privatae habent*, tamen persuaderi mihi numquam passus sum, esse in hac distinctione aliquid solidi. Potius rem omnem, ad *Logomachias eruditorum* abire semper existimaui. Quod si enim recte scio, quid sit *interpretatio*, sique porro eam *collectionem dubiae mentis ex certis aut probabilibus signis & coniecturis* definire licet, arg. *l. 11. 12. ff. de LL. l. 45. §. 1. ff. de vulg. & pupill. substit.* ego profecto non video, cur vel *in iure publico*, vel *in iure privato* ius interpretandi legem Iureconsulto negari debeat? Qui enim in genere aiunt, *de legibus disputandum non esse, quoniam alioquin multa ex his, quae certa sunt, subvertuntur* *l. 21. ff. de LL.* nec id bonae fidei congruere existimant, *de iuris apicibus disputare*, *l. 29. §. 4. ff. mandat. l. 51. in f. ff. ad L. Aquil.* non tam in miserrimam conditionem & studiosos & doctores iuris detrudunt, quoniam iam non amplius *scire leges*, sed ut *mysteria religionis credere* tenerentur; verum, quod mox vberius ostendamus, *statum controuersiae manifesto mutant.* Ita enim comparata sunt iudicia hominum, ut quae vni clara & perspicua videntur, alteri sint obscura, incerta, dubia.

Vnde

---

*status sua imprudentia dicam, an temeritate? facti sunt, de quibus pluribus agit D. DE LVDEWIG in Praefat. der Rechtlichen Erläuterung der Reichs Historie, & in singularibus iuris publici c. 1. §. 29. p. 142. sq.*

Vnde etiam DEVS numquam explicationem & interpretationem sacrorum suorum oraculorum, quae tamen illud ipsum sunt, quod omnium sanctissimum esse debet, prohibuit. Quodsi iam haec dubia, hanc incertitudinem in homine quoad negotia ciuilia siue suscipienda, siue iam suscepta deprehendis, quis, quaeso, scrupulos ei eximet, si omnibus in ciuitate iura interpretandi facultatem negatam credis? Inquires *relatione ad Principem facta* explorandam esse diuinam eius voluntatem. At sic quidem Sacrum Principis Numen sine causa fatigabis. Nam praeterquam quod ipsa iubeat recta ratio, tunc demum recurrendum esse ad diuinum Principis oraculum, vbi nulla σύνεσις καὶ δύναμις ἐρμηνευτική adiuuare potest iudicem, illud credo lippis constare & tonforibus, *rescripta Principum* in causis priuatorum exarata temere pro norma perpetua a iudicibus haberi non posse (dd), quoniam satis notum est iuris

F

ris

(dd) Prouti enim iam obseruauit VLPIANVS l. 71. ff. de R. I. & l. 9. §. 1. ff. de Offic. Procons omnia, quaecumque causae cognitionem desiderant, per libellum id est rescriptum Principis in gratiam supplicantis emissum, expediri non posse, & Traianus, Optumus Imperator, numquam ad libellos supplicantium respondere voluit; ita profecto, si vel maxime maturo iudicio Princeps rescribat, citra expressam notam Rescripto insertam legem perpetuam eum scribere voluisse praesumi non potest. Cum semper de bono Principe idem credendum sit, quod de Opilio Macrino CAPITOLIN in vit. eius c. 13. refert: qui fuit, inquit, in iure non incallidus, adeo vt statuisset omnia rescripta veterum Principum tollere, VT IVRE, NON RESCRIPTIS AGERETVR. Nefas esse dicens, leges videri Commodi & Caracallae, & hominum imperitorum voluntates, cum Traianus ad libel-

ris axioma, quod actus ultra intentionem agentis operatur nihil; Praeterea cum vix duo casus in vita humana eueniant in omnibus similes, hoc ipsum rescriptum primo quouis casu occurrente non amplius allegari poterit. Nam vbi respectu ad leges habitum negatum tibi est ius colligendi mentem Principis ex certis aut probabilibus signis atque coniecturis, negatum etiam tibi erit vel minimo suborto dubio, quae Princeps in alia causa rescripsit, ad aliam causam trahere. Necessesse igitur erit, vt Princeps in iudiciis perpetuo sit praesens. Sed ita nullae amplius iudicis erunt partes. Itaque fatebor ego ingenue, quid sentiam: Quod si enim vniquam vera dixisse mihi videtur CICERO, tunc recte iudicauit, quando *L. VII. ep. 20.* Iuris ciuilis inquit, quamquam plurimi libri sint, doctorem tamen lumenque desiderant. Nimirum doctrinalis interpretatio nec vniquam negata fuit, nec negabitur Iureconsulto, quia & ad auctoritatem legum saluam seruandam sartamque multum confert, & forensibus litibus finem facit, animosque ciuium in illo litium pelago sedat, atque ad concordiam & pacem reuocat. Sed aliud est legem ex regulis artis interpretari, aliud voce & auctoritate decretoria sententiam ferre, a qua recedere nemini foret licitum. Hoc quam primum arrogat sibi Iureconsultus, Principis maiestatem laedit, limitesque officii sui transiliendo aequae dignas audaciae poenas in se prouocat, ac si *Iudaica*, vt ait glossa, interpretatione verborum proprietatem amplexus contra Legislatoris

VO-

---

*libellos nunquam reponderit, ne ad alias causas facta praeferrantur, quae ad gratiam composita viderentur.*

voluntatem niteretur (ee), vel aliis cauillationibus legi fraudem apertam inferret. *l. 5. in pr. C. de LL. l. pen. ff. ad exhib. c. 88. de R. I. in VI.* Vt enim exemplo Sacrorum Bibliorum pergamus, quamdiu Theologus ex *artis hermeneuticae regulis* ea interpretatur, tamdiu nihil agit, quod non muneris sui rationibus conueniat, quam primum vero infallibilitatem sibi vindicat, nec amplius argumentis, rationibus, syllogismis pugnat, sed in rebus fidei pro auctoritate definit & decernit, reliquosque omnes, qui eius dicta non ita adorant, quasi ex tripode essent prolata, *haereticos & schismaticos* nominat, ac vt tales damnat, arrogat sibi ius, quod ad *iura DEI maiestatica* pertinet, nec vsurpari ab homine sine sacrilegio, sine contemptu Numinis, sine violatione Diuinac Maiestatis potest. Et ex his clarum fit & perspicuum, quid nos *de praecuditiis summorum tribunalium* (ff) sentiamus, quae quantaecumque sint auctori-

F 2

tatis,

(ee) *Interpretationem litteralem* glossa & eius basiatores dixerunt *Iudaicam*; gloss. ad *l. 18. §. 6. ff. de damn. inf. CARD. TVSCH. pract. quæst. T. IV. concl. 332, litt. i. ALEX. conf. 144.* exemplo desumpto *ex more interpretandi* apud Iudaeos recepto, quem hinc inde in sacris Noui Foederis litteris carpere ipsum Saluatorem nostrum nouimus. Lepida enim glossa in verbis, allegoriis & similibus, vt merito dolendum, viros tanti ingenii incidisse in eam temporum barbariem, vbi destituti a praesidiis humanitatis, earumque disciplinarum, quae interpretem ornant & iuuant, non melius mereri de legum studio potuere.

(ff) Quaestionem ipsam recte iam definit Illustrius HIERVS, noster in munere Professorio Praedecessor, in *Diff. qua Ideam Icti Danici* adumbravit *c. III. §. 10.* & ante eum D. GRIENERVS in *Diff. de Observantiis Collegiorum Iuridicorum.* Nec de veri-

tatis, vim iuris perpetui tamen obtinent numquam, quia quam primum talem *leges interpretandi vim* adferat iudex, quae aliis normam agendorum perpetuam faciat, *leges non amplius declarat, sed fert.* Itaque in omni hac quaestione eo erit recurrendum, ut distinguamus inter *adum*, secundum quem Iureconsultus *de iure differit*, quod fit in *interpretatione*, & eum, quando

veritate rei dubitandum, dummodo consideremus, iudicem in munere publico personam priuatam manere semper, diuersum vero prorsus esse ius, quod curiis & tribunalibus datum, a iure ferendi *leges*, quod semper maiestaticum est, & ex imperio fluit, cum nulli tribunalium, quaecumque illud sit, plus quam *iurisdictio* competat. Fluit ex hac obseruatione alia, videlicet, quod criminis laesae maiestatis rei forent, si qui negare vellent, a *Somma aliquo Tribunali ad Imperantem recursum licitum esse.* Ita enim Curiae Supremas facerent independentes; ita Monarchas insigni aliqua potestatis absolutae & omnimodae parte priuarent. Sed hi ipsi boni viri, qui forte talia somniant, vel non intelligunt, quale discrimen sit inter *remedium appellationis & supplicationis*, aut *reuisionis actorum*, cumque primum cum iure Supremae alicuius Curiae consistere non possit, mox etiam hoc sublatum existimant; vel cum ignarissimis ignorant, quae inter *rationes iuris & prudentiae* diuersitas sit, cumque Principes interdum legibus publicis, quibus *de ordine procedendi in iudicio* edixerunt, horum *remediorum* ex *singulari prudentia*, quia hominum altercandi libido tam facile iis aburitur, non fecere mentionem, illis etiam ne quidem in *caussis maximi praeeudicii & damni irreparabilis* ex iuris necessitate locum dare volunt. Si homines vim linguae luridicae callentes ita loquerentur, dicerem *monorchomachica* haec esse *principia*, sed dandum est aliquid veniae argutiis his atque naeniis febrilibus, ubi earum auctores ex imperitia peccant.



do contra ius differit, quod fit vel arguendo & taxando leges, quasi cum aequitate vel salute publica pugnent, vel controuertendo de eo, quod in se perspicue satis lege publica est decisum, vel denique statuendo aliquid in eius praeiudicium C. 36. X. de sentent. excom. Et in eo conueniunt Legislatores, quotquot iurium suorum probe memores fuere, omnes. Nam & ipse Iustinianus M. ne quis legum suarum commentaria scribat prohibuit in constit. de Confirmat. ff. edit. 533. §. 3. conf. D. DE LVDEWIG in vit. Iustiniani §. XX. n. 133. 134. & l. 3. C. de Crim. sacrileg. illum sacrilegii reum iudicat, qui de principali iudicio disputabit, licet utraque lex ius explanandi vel illustrandi leges Iureconsultis nec auferat, nec auferre possit, nisi, quod ineptum foret, omne iuris studium (pro quo augendo amplificandoque tantopere sollicitus fuit optimus Imperator, cuius ossibus ob hanc solam causam mollem terram & dulcissimam requiem saepius iterumque precor) illis sublatum dicas. Idem factum deprehendimus in Germania, in illa salutis publicae anchora & securitatis palladio, pace scilicet Westphalica, cuius art. 5. §. 49. 50. itidem artic. 8. §. 1. Doctores disertis verbis prohibentur, ne eorum vllus interpretari hanc sanctionem audeat, vtut nec Caesaris, nec Statuum iura satis tuta forent, si verum eius sensum declarare & rationibus munire liceret nemini, ceu ipsi paciscentes probe intellexisse videntur art. 17. §. 2. add. MEVIX Decis. P. I. dec. 67.

### §. IX.

Longe vero certius est illud *discrimen*, quod quoad applicationem inter Leges publicas & priuatas intercedit.

F 3

Sicu-

IX Ex applicatione iuris utriusque,

Sicuti enim supra iam quasi indice digito ostendimus, *leges priuatas in causis publicis allegari non posse*, ita perfecto nec *leges publicae in causis priuatis allegari poterunt*. Nam ut nihil iam dicam, quomodo *sanctitate peculiari* prae reliquis legibus polleant *Pragmaticae Sanctiones*, neque ea repetam, quae de perpetua atque aeterna earum auctoritate iam fuere inculcata, licet & id, si quid recte intelligimus, momentum non minimum causae nostrae addere possit, quoniam omnino ius de priuatorum litibus & negotiis disponendi arbitrio Principis relictum semper manere debet; hoc potissimum curate perpendendum esse arbitror, & iusta lance ponderandum, quod hae leges ad publicam tranquillitatem ordinandam, atque totius reipublicae compagem componendam latae sint. Iam autem multa in causis publicis utilia, immo necessaria esse possunt, quae si ad priuatas lites causasque applicarentur, non solum omni prorsus utilitate destituerentur, verum haut raro ciuitati ipsi exitiosa forent. Sic v. g. lex quae prohibet, ne patrimonia Regum & Principum vniquam diuidantur, sed ut penes solum primogenitum filium totum maneat cum imperio patrimonium, item lex ne Principes filiae nubant exteris, neue ipsae, cuicumque nupserint, ultra dotem ex hereditate paterna accipiant, & plures aliae salutares sunt, si ad Regna & Principatus respicimus, at forte tales esse desinunt, quam primum ad familias priuatorum oculos intendimus. Cui ipsi quidem argumento addi possent plura, si modo in re adeo perspicua opus esset conglomeratis multis argumentis & in aciem quasi productis iuris rationibus pugnare, nec rei veritas tam manifesto in sensus incurreret. Sed in-

quies

quies forte, fieri tamen *promulgationem legum fundamenta-*  
*talium*, adeoque praesumendum esse, eas subditis om-  
nibus etiam agendorum omittendorumque normam  
fieri. Ast *promulgationem* legem non tam facere, quam  
declarare palam esse arbitror. Ecquis enim est, qui  
non cernit, *Principis voluntatem* solam esse atque *unicam*  
*normam*, quoties *auctoritas* & *potestas legum* dimetienda  
est atque examinanda. Iam autem quae Principis vo-  
luntas sit, aut ex dictis & factis eius, aut ex negotiis  
ipsius indole & natura discimus. Sed quis, amabo,  
affirmabit temere, Principem, dum v. g. *publicam in*  
*Regali Sua Stirpe successionem* ordinavit, dum iura primo-  
geniturae introduxit, dum foeminas Principes exteris  
maritis nuptas exules in hereditate Regni scripsit, (qua-  
lem legem in Lusitania rogasse dicitur Rex Eduardus,  
sicuti ex LOBKOWIZIO refert D. DE J. VDEWIG in der Er-  
läuterung des Herrn von Pufendorf Einleitung zur Hi-  
storie c. III. §. 4. p. 464.) non voluntatem suam ita re-  
strictam esse voluisse, ut hae ipsae *sanctiones* non vte-  
rius, quam *quatenus Angustam domum* concernunt, *per-*  
*petuae sanctionis vim* & *robur* obtineant? Extendere ig-  
gitur Imperantis mentem, quod sit, ubi de *Legum obli-*  
*gatione* in aliis negotiis, quam ad quae in prima legis-  
latione erant directae, aliquid statuitur, quid, quaeso,  
hoc aliud est, quam vel *leges fingere pro lubitu*, vel certe *ab-*  
*officio Iureconsulti* declinare? quippe quem bonum Medic-  
um imitari oportet, qui non *magister*, sed *minister* naturae  
est. Quam enim facile id est ipsi Principi, ut, ubi *Leges Im-*  
*perii sui fundamentales* etiam ad *causas privatorum* extendi  
vult, unico verbo generalem huiusmodi clausulam iis ad-  
dat, suaeque legislatione definiat, quo quae in *publicis rebus*  
statu-

statuta fuere atque sancita, *in negotiis & causis similibus* custodiantur, *ubique* ceu id olim interdum factum fuisse exemplum Imperatorum Theodosii & Valentiniiani comprobatur, de quo testatur *l. 3. Cod. de Legib.* Et ut illud etiam addamus, nisi hoc fiat, quis, quaeſo, diuinabit, an non potius Imperantis haec sit voluntas, ut, *quae in persona Principis locum habent leges*, ab aliis in exemplum non trahantur? cum utique iure id inuideri nequeat *diuinæ Regum ac Principum Maieſtati*, si illi, cum *Sacroſancta Sua Progenie* iure aliquo ſingulari gaudere volunt in re publica, quo ex ipſa etiam iuris diuerſitate *coeleſtis Regum & Principum character* eo magis eluceat, & in oculis omnium incurrat, animisque inſinuetur veritas, *tantum a caeterorum mortalium conditione differre conditionem Principum, quantum iura publica differunt a iuribus priuatis* (gg).

## §. X.

(gg) Non obſeruauit hoc, quiſquis ſit, eruditiffimus Auctor ſcripti nuper editi ſub titulo *zufällige Gedanken von dem in denen ieſigen Feudis oder Lehngütern des Königreichs Dänemark Rechts begründeten modo ſuccedendi*. Fruſtra enim contendit Vir doctiffimus, quod *Lex Regia* a SACRATISSIMO MONARCHA FRIDERICO III. ſub auſpiciis *abſoluti domini AVGVSTAE DOMVI* reddit ſcripta, in caſu, quo *de ſucceſſione* agit, etiam ad definiendas cauſas *feodales* hominum conditionis priuatae ſortis allegari queat. Praeterquam enim, quod haec, quae in genere haecenus a nobis fuere diſputata, huic ſententiae obſtent, illud quoque non minimum facit ad eius oppugnationem, quod cum longe poſt CHRISTIANEVS CODEX publicatus fuerit, nihil huius *Sanctionis aeternae*, quod quidem *de ſucceſſione* ageret, *legum patriarum collectioni*

§. X.

Varia haftenus *de differentia inter ius publicum & priuatum* diximus, sed restat tamen, quod hisce addi potest. Quae enim *iuris sunt priuati*, pro maxuma parte ita comparata sunt, vt etiam *extra ciuitates* ipsis locus esse possit, illaque forte non minus peragerentur, si numquam homines in respublicas abiissent. Sed quae *iuris publici* sunt, adeo *statui ciuili* propria esse deprehenduntur, vt vix extra eum peragi queant. Diximus maxuma ex parte, neque enim adeo supine rerum omnium ignari sumus, vt *ius priuatum* omne *statui naturali* conuenire existimemus. Ecquis enim in hac conditione *de restitutionibus in integrum*, *de Senatusconsulto Velleiano & Macedoniano*, *de Mohatra*, *de collatione bonorum*, *de περὶ τοῦ πᾶσι* creditorum, *de fuitate*, *de damno infecto*, *de noui operis nuntiatione*, *de retractu* disputationem aliquam fore credat? quis *de actionibus & exceptionibus*, quis *de modo procedendi in iudicio*, *de appellationibus*, *de quaestionibus & poenis*, *de quibus omnibus in iure priuato sermo fit*, inter homines controuerti potuisse existimet, ante-

X. Ex diuerso utriusque habitui, si extra ciuitates considerari deberet.

G

quam

ab AVGVSTISSIMO IVRIS ARCHITECTO fuerit infer-  
tum, quod procul dubio non omisisset PRINCEPS IMMORTALITATE DIGNISSIMVS, si *Constitutionis vniuersalis vim & robur* obtinere illam voluisset; praesertim cum feodatarii Comitatus & Baroniae iam tunc in Dania fuerint institutae. Quid quod REX ipse, dum *leges antea latas*, neque *Codici suo insertas in decisione causarum* allegari prohibuit, huic sententiae non obscure contradicat. Speramus Virum Consultissimum hunc dissensum aegre non laturum, praecipue quod magni caeteroquin eruditionem eius, quae ex hoc libello luculenter patet, aestimemus.

quam ciuitates fuere conditae? Sed sunt tamen longe plura *privati iuris* negotia, quae tam parum cum *statu civili* necessariam connexionem habent, ut si quis ea etiam in *statu naturali* fieri posse negaret, is nimis audacter aliquid assereret. Huc pertinet omnis fere doctrina de *pactis & contractibus*, de *sponsalibus*, de *dote*, de *matrimonio*, de *divortio*, de *transactionibus*, de *evictionibus*, de *usuris*, de *possessionibus*, de *servitutibus praediorum*, de *instrumentis*, de *testibus*, de *prohibitionibus*, de *arbitris*, de *pignoribus*, de *testamentis & successionibus ab intestato*, de *alluvionibus*, de *retentionibus & compensationibus*, de *quasi contractibus*, de *tutelis*, de *praescriptionibus*, de *iuribus patriae potestatis & imperii herilis*, de *emancipationibus*, de *manumissionibus*, de *vindicationibus*, de *thesauris*, de *inventione*, de *occupatione*, & quae sunt sexcenta alia *iuris privati* capita, quae ita *Statui naturali* conveniunt, ut supine ignarum esse rerum omnium oporteat, si quid aliud, quam *solemnia & formam externam*, negotiis his a *legibus civilibus* obtigisse arbitretur. Sed ubi *negotia publica* consideramus, quid dici poterit in *statu naturali* de *iuribus maiestaticis* omnibus? in quibus tamen explicandis totum fere *ius publicum* occupatum est. Num alia tunc de *bello & pace*, de *foederibus*, de *legationibus* erit disputatio, quam quae simpliciter *praecepta iuris gentium* respicit? Num aderit tunc *respectus* ille, qui iam per *constitutatas ciuitates* hisce inditus est negotiis? Vix credo. Sane enim cum §§. 1. & 6. a nobis observatum sit, ex *constitutione ciuitatum* originem habere distinctionem inter *iura publica & privata*, quicquid *liberae gentes* agunt, nec *privati*, nec *publici negotii* nomine insigniri commode poterit, sed simpliciter *actionis libe-*

*liberae nomen retinebit. Consentiētem habemus saepius iam cum summo honoris cultu laudatissimum D. BOEHMER Iur. publ. vniuers. d. c. II. §. II. Obseruatio ipsa sua vtilitate in doctrina de Legatis non caret. Hic enim non minus ille priuilegiis & immunitatibus iuris gentium gaudere debet, qui ad mutuam pecuniam accipiendam, ad praedia coëmenda, ad contrahendas vel conciliandas nuptias in ciuitatem aliquam ablegatus est, quam qui de pace, de foedere, de mediatione, de guarantia agit, licet postrema negotia iam in ciuitate publica sint, priora priuata. Et quae, quaeso, extra ciuitates erunt iura collectarum fisci & aerarii, Quae de territoriorum iure, de magistratibus & iudiciis ordinandis, quae de iurisdictionibus, legislationibus & comitiis praecepta obtinebunt? Immo quid erit ius sacrorum ipsum, nisi cura, quam unicuius patri familias vel naturalis vel reuelata religio inculcat? Nulla hic scholarum directio, nisi quam pater quilibet, in vsum familiae suae peragit; nulla inter personas saeculares & ecclesiasticas diuisio, sed quilibet pater familias erit & herus & sacerdos, Vt alia iam taceam.*

### §. XI.

Verum enim vero iam forte iure suo postulant a nobis LECTORES NOSTRI, vt etiam de conuenientia vtriusque iuris edisseramus. Ast praeter opinionem nostram iam nimium creuisse libelli molem, & limites circularis disputationis lege praescriptos & consuetudine approbatos egressam esse cernimus. Itaque vt vela contrahamus, dicamus paucis, conuenire vtrique iuri quoad finem tam vltimum, qui est salus, pax ac securitas reipublicae; quam proximum, qui est iustitia ex

*Agitur ac conuenientia inter ius vtrumque.*

dextra applicatione ad facta obuientia emergens; Atque hinc fit, vt praecipue in iure Romano, quae *iuris privati* sunt, interdum ad *ius publicum* referantur (hh). Sic verbi gratia l. 38. ff. de pact. dicitur, *ius publicum privatorem pactis mutari non posse*, licet, si curate examine-  
mus, quidnam sit illud, quod nomine *iuris publici* hic indigitarit PAPINIANVS, ex cuius L. 11. quae est. lex haec desumpta est, facili negotio appareat, subintelligi hic nil aliud, quam *quod legibus communibus*, adeoque *privatis*

(hh) *Iuris publici* esse dixerunt veteres Iureconsulti Romani vel quae ex Legibus XII. Tabularum descenderant, vel quae ita erant comparata, vt populo vniuerso in illis singularare quid tributum. Quae vltima ratio est, cur etiam *iudicia publica*, de quibus peculiares exstant in Institutionibus & Pandectis tituli, dicta alias *quaestiones publicae* l. 2. §. 32. ff. de O. J. LEGES PVBICAS nominarint, l. 1. §. 1. ff. ad L. Corn. de Sicar. Quoniam quilibet e populo ad poenam laesae reipublicae debitam (nam in eo differebant a iudiciis popularibus, vbi quilibet ex populo ad poenam sibi applicandam agere poterat l. 2. §. 1. ff. de popul. action.) accusare regulariter in iis potuit, quod interesse putabatur, vt ea, quae magis exemplo noxia sunt in publicum, promptissime detegantur, & publica vindicta coërceantur: quod secus in delictis privatis. Caeterum hoc significatu vocem *publici* eandem vi sua & potestate esse, ac si dixeris *populici*, propter *Statum Popularem*, qui tunc, cum vox haec nata, apud Romanos obtinuit, obseruauit D. DE LVDEWIG in singul. iuris publ. c. 1. §. 2. p. 144. Conferri hic potest ERICVS MAVRITIUS in diff. de Principiis iuris publici Germanici c. 1. §. 7. Opp. p. 7. vbi quotuplici ratione *publicum* aliquid dicatur fufius adhuc explicat.



uatis & ciuilibus est sancitum(ii). Sic enim CONSTANT. HARMENOPVLVS in libro egregio, cui titulus *περὶ Χερσὸν Νόμων* vel *ἐξάβιβλος L. I. tit. 9. §. 17.* legem hanc Graece reddidit: διὰ ἰδιωτικῆς συμφωνίας τὸ κοινὸν νόμιμον ἐκ ἐναλλάσσεται, illudque mox §. 21. vberius explicat his verbis: Σκοπὸς τῶ νομοθέτη τὰς κοινὰς νομοθεσίας τετέστι τὰς κοινὰς καὶ χρησίμους παντὶ ἐπὶ ταχδεύσας, μὴ ἀνατρέπεσθαι ἀπὸ ἰδιωτικῶν συμφωνιών, τετέστιν ἀπὸ τῶν ἀρεσκειῶν τῶ κατ' ἑκάστον. Et, qui procul dubio optumus mentis suae interpretis est, PAPINIANVS L. XIII. Resp. ait: Frater cum heredem sororem scriberet, alium ab ea, cui donatum volebat, stipulari curauit, Falcidia vteretur, & ut certam pecuniam, si

G 3

contra

- (ii) Sane de iure priuato accipiendam esse regulam illam Iuris Romani ius publicum priuatorum pactis mutari non posse praeter alia, praecipue l. 20. pr. ff. de religiof. euincit, vbi VLPIANVS ita ait: Neratius quaerit, si is, qui dotem dederat pro muliere, stipulatus est, duas partes dotis reddi, tertiam apud maritum remanere, pactus sit, ne quid maritus in funus conferret, an funeraria maritus teneatur? Et ait: si quidem ipse stipulator mulierem funerauit, locum esse pacto, & inutilem ei funerariam fore, si vero alius funerauit, posse eum maritum conuenire, QUIA PACTO HOC PUBLICVM IVS INFRINGI NON POSSIT. Et hinc est, quod, cum vulgo in scholis Ictorum doceri soleat: fauori suo renunciare posse quemlibet, limitatio tamen addatur, dummode lex principaliter priuatam, secundario publicam utilitatem respiciat. Legi enim cuius ratio ipsa in bonum commune principaliter, secundario in priuatum tendit, renunciare ipsa vetat recta ratio. Qui molem testimoniorum in re tam perspicua congestam cernere vult, adeat MARIVM GVRBAM Ictum Messanensem, in repetitionibus de successionē feudorum inter ascendentes & descendentes §. 2. glossa LX. n. 64 - 70.

contra fecisset praestaret: priuatorum cautione legibus non  
 esse refragandum constitit, & ideo sororem IVRE PVBLICO  
 retentionem habituram. Locus ipse Pandectis insertus l.  
 15. §. 1. ff. ad L. Falcid. exhibetur. Nec alia mens sedit  
 VLPIANO. Cum enim ille L. XXXVI. ad Edict. docere  
 vellet: pactum quod inter se Magistratus faciunt, pu-  
 pillo, cui ex officio obligantur, non nocere ordinis ra-  
 tione, scilicet ut priore loco conveniatur Magistratus,  
 qui in se periculum suscepit, quam alius, his verbis in  
 l. 1. §. 9. ff. de magistrat. conuen. utitur: Si inter Magistra-  
 tus hoc conuenerit, ut alterius tantum periculo tutores da-  
 rentur, conuentiones pupillo non praeiudicare Dinius Hadri-  
 anus rescripsit: conuentione enim Duumvirorum IUS PVBLI-  
 CVM mutari non potest. Quis autem legem Falcidiam, tu-  
 telas, actionem funerariam ad ius publicum proprie sic dictum  
 referat? Sed longe clarius, quatenus mens PAPINIANO  
 federit, discimus, quando l. 3. ff. qui testam. fac. possunt  
 aspicimus. Hoc enim loco, qui haustus est ex eius L. XIV.  
 quaestio, ita pronuntiat: testamenti factio NON PRIVATI,  
 SED PVBLICI IVRIS est, id est, ut recte obseruat erudissi-  
 mus in totum Corpus Iuris Commentator, DIONYSIVS  
 GOTHOFREDVS, ius testamenti factionis tribuitur cuique  
 IVRE PVBLICO ET LEGIBVS, non priuatorum voluntate, nec  
 enim pater filiosfamilias, nec patronus liberti testamenti fa-  
 ctionem praebet. Quin immo teste PAVLO libr. singul.  
 ad L. Falcid. alterum Legis Falcidiae caput modum le-  
 gatorum constituit his verbis: Quicumque cuius Roma-  
 nus posthanc legem rogatum testamentum faciet, ii quantam  
 cuique cui Romano pecuniam IVRE PVBLICO dare, legare ve-  
 let, ius potestasque esto. Deinde alteram convenientiam de-  
 prehendimus quoad utriusque principia & fontes. Licet  
 enim

enim de priuato saltim iure dixisse videatur Imperator §. 4. *inf. Inst. de Inst. & iur. quod illud collectum sit ex naturalibus praeceptis, aut gentium, aut civilibus, & VLP-  
IANVM l. 1. Instit. exscribant Pandectarum Architecti in l. 6. ff. de l. & l. docentes ius civile esse, quod neque in to-  
rum a naturali vel gentium recedit, nec per omnia ei seruit; itaque cum aliquid additur vel detrabitur iuri communi, ius proprium, id est civile effici, tamen multa demonstratione opus habere non existimamus, eodem iure id ipsum etiam de iure publico posse dici, (kk) ceu olim iam ostende-  
runt*

(kk) Equidem si post ALCIATVM, CUIACIUM, BORCHOLTVM, TREUTLERVM, etiam VNGEPAVERVM audimus, is in *Exerc. Instip. qu. 14* differentiam priuati & publici iuris in eo quaerit, quod hoc collectum duntaxat sit ex iure gentium & civili, illud vero etiam praeter duplicem hunc fontem ex iure naturae descendat. Sed praeterquam quod minus recte VNGEPAVERVS cum vulgo Doëtorum ius naturae a iure gentium distinguat, ceu iam contra eum monuit Illustris D. BOEHMER in *iure publ. vniuers part. gener. c. II. §. 18. litt. y.* error hic ab eo commissus exinde venisse mihi videtur, quod is non distinguat inter illud, quod in statu naturali locum habet, & illud, quod ex iure naturae, id est, ex distamine rectae rationis descendit. Quodsi enim hoc fecisset, facili deprehendisset negotio, multa iure naturali introducta esse, quae in statu naturali locum non habent. Quorsum v. g. pertinet introductio imperii civilis, quo omnis status naturalis sublatus. licet ipsa recta ratio ciuitates condiderit, & in respublicas abire homines iusserit. Nec melioris farinae est LOCAMERI argumentum in quaestionibus Iustinianensis qu. 6. quod tamen firmissimum appellare non dubitauit BICCIVS in *Praef. rer. quorid n. 32.* quod scilicet ius publicum ex praeceptis iuris naturalis collectum esse non possit, quia ad statum pe-  
culia-

runt MYNSINGER, HOTOMANNVS, VINNIUS alique Dd. in Schol. ad Instit. L. I. t. 1. §. 4. SAMUEL RACHELIUS in Introd. in ius publ. c. 2. BACHOVIVS in not. ad TREVTLER Disput. I. thes. 3. litt. B. ad verba: adeoque nec naturale p. 11. &, qui instar omnium esse potest, ERICVS MAVRITIUS in diff. de principiis iuris publici Germanici c. 3 §. 2.--8. Opp. p. 25. sqq. Neque minus tertio in ipsa utriusque iuris diuisione a modo illud cognoscendi desumpta noua & notatu dignissima conuenientia adest. Prouti enim ratio non producit legem ut legem, sed ut effectum suae efficaciae innominatum, qui effectus demum a scopo vrentium denominatio-

---

culiarem ciuitatis cuiusque spectat; nam vt recte iam monuit VITRIARIUS in Instit. iur. publ. L. I. tit. 2. §. 1. obiectio haec BICCI non magis ius publicum ferit, quam ius priuatum, quod ipsum tamen ex iure naturali collectum esse BICCIUS negare ausus est numquam, Quid quod nec acutissimus ICTUS GEORGIVS FRANTZKIUS prorsus nobiscum sentire videatur. Ita enim ille in Com. ad Instit. de Iust. & Iur. §. fin. Licet, inquit, & PVBLCVM IVS principia sua suo modo a iure naturae dependemia habeat -- -- non ideo tamen ITA VT IVS PRIVATVM EX NATVRALIBVS PRAECEPTIS COLLECTVM DICI POTEST. Sed quam venerabile etiam nobis sit FRANTZKII nomen, nemo non videt, in terrore cubare virum caeteroquin eruditissimum. Quod si enim haec eius sententia fuit, omne ius priuatum ex naturali iure collectum esse, falsitatem eius iam ostendimus §. 10. vbi multa iuris capita adduximus, quae sunt iuris mere positiui & ciuilis. Sin autem quaedam saltem positiui iuris capita huc referenda censuit, idem affirmari de iure publico posse ex naturalis & publici iuris collatione patet. Caeterum illud in disputationem non venit, vtrum ius plus ex iure naturali mutuarit,

nationem sumit, & vel ex expressa vel ex tacita Legislatoris voluntate hauritur, ita profecto quod VLPIANVS dict. l. 6. §. 1. ff. de I. & I. docet, ius constare aut ex scripto, aut sine scripto, ut apud Graecos τῶν νόμων οἱ μὲν ἔγγραφοι, οἱ δὲ ἀγχαφοι, id ad priuatum aequae ac publicum ius applicari potest. Neque enim consuetudinum in foro & causis civilibus maior esse potestas potest, quam quidem obseruantiae in expediendis rebus & negotiis Imperiorum atque Rerumpublicarum publicis decidendisque controuersis inter Imperantes & subditos ortis. Quod nemini, qui vel a limine salutauit ius publicum Germanicum & aliarum Rerumpublicarum, in quibus adducta imperii formula a longo tempore obtinet, incognitum esse potest. Vnde propter solam obseruantiae vim altero oculo carere dicitur Iureconsultus, qui a praesidiis historicis destitutus est. Equidem quod ad originem huius distinctionis attinet, plerumque illa cum Imp. IVSTRINIANO, seu rectius CATO Iureconsulto, cuius Institutiones maxuma ex parte e charta in papyrum retulerunt Tribonianus & socii, qui noui iuris fabricatores a Iustiniiano nominati erant, a moribus duarum Graeciae ciuitatum Atheniensium scilicet & Lacaedemoniorum deriuatur. Sed mihi hic aliquid humani pati videntur plurimi Legum interpretes. Scribere enim legem apud Iureconsultos non est legem consignare litteris, sed legem singulari promulgatione insinuare singulis, ut cuius ea possit innotescere. Vnde si rem ita sumimus, reuera Lacaedemonii scriptis vsi sunt Legibus: Quis enim nescit, Lycurgum apud eos munere legislatoris functum esse? Licet in eo singulare quid fuerit, quod leges viua voce latas statim a suis ciuibz memoriae mandari voluerit,

neque vmquam consignari in charta passus sit, recedens in eo a sententia Solonis, qui licet *viuae vocis ac memoriae scientiam mortuae scripturae* anteposuerit, *scripturam tamen aduersus obliuionis infirmitatem permittit* (ll). Rationem moris a Lycurgo obseruati si diuinare licet, addam, obseruatam, quantum memini, a paucis. Videlicet Lycurgus, prouti animi perspicacis erat, probe vidit, seueram, quam suos docuit, disciplinam, quamque, *vt diuinam institutionem*, sub promissione felicitatis reipublicae perpetuo duraturae (mm), populum seuerere custodire iussit, breui interituram, vbi exteris ad ciuitatem suam pateret aditus, hinc, vt eos in urbem irrepere volentes quouis modo abigat, omninifidu cauit. Quare forte leges nullas scribi voluit, vt aduentantes eo seuerius crebriusque castigari possint, quando contra leges, quas nullo modo discere poterant, necessario cottidie peccarent. Quod ipsum vtrum iustum sit, vel iniustum? nunc non discutiam. Coniecturam hanc suppeditauit mihi vsus *nummi coriacei*, quem introduxit, vt suos a commerciis cum peregrinis arceat; prohibita Lacedaemoniis peregrinandi licen-

---

(ll) Aliquid Lycurgo simile deprehendere licet apud veteres Germanos & Gallos. Certe in earminibus suis ediscendis Druides idem studium memoriae amplexos esse CAESAR *L VI.* auctor est. Vnde forte TACITVS *plus apud Germanos bonos mores, quam alibi bonas leges valere* dixit. Licet locum hunc aliter eruditos nonnullos explicare meminerim.

(mm) Nec fefellit eum spes sua & opinio, cum per DCCC annos disciplina sua steterint Lacedaemonii, neque prius ab Achaeis deuicti fuerint, quam sublatis & antiquatis moribus pristinis.

licentia, aliaque odium hoc eius erga exteros spirantia. Licet forte etiam dici possit, nimium tribuisse suae sapientiae Lycurgum. Hinc ne etiam aliquid felicitatis ex egregiis suis legibus & institutis migrare possit ad exteros, quod in lege in scripturam redacta fieri potest facillime, neue peregrinis obtingeret, iisdem cum suis salutaribus praeceptis & monitis vti, morem hunc, contra vulgarem Leges ferendi ritum, ab eo fuisse introductum, quamuis caeteroquin adeo imprudens is non fuerit, vt carere posse ciuitatem suam *Legibus scriptis* id est *promulgatis* existimauerit (nn). Sic etiam *quarto* est aliqua *inter*

H 2

utrum-

(nn) Sane *legibus scriptis* opus esse in quavis societate ciuili & republica, praeter multas alias, hae potissimum euincunt rationes, quod quidem *ius non scriptum seu consuetudinarium* (l) saepe numero *ius iniquum* est. ceu id probat ingens multitudo *consuetudinum cum ratione & honestate ipsa pugnantium*, quibus hinc inde respublicas infectas cernimus; *Ast leges, si quidem a bono Principe profiscuntur, aequae sunt & bonae.* Nam licet propter humanae indolis fragilitatem & ferri possint & latae fuerint interdum leges *secundum affectus Legislatorum*, quemadmodum THOMASIVS in naevis *iurisprudentiae Anteiustinianae* exemplis quam plurimis ex iure ciuili id demonstrat; & de Iustiniano Imperatore res est vulgo notissima, eum in fauorem foeminarum statuisse multa ex suggestione coniugis suae Theodorae, a cuius nutu & arbitrio pendebat totus; quin immo pleraque a Patribus ecclesiae in Conciliis, & a Pontifice Maximo *in iure Canonico* excogitata *Clericorum priuilegia* ex scaturigine hac pullularint; tamen *affectus in Legislatore* tantum reipublicae nocere nequit, quantum *infraenata populi licentia*, vbi alter alterum *in re affectibus grata* imitando actui non solum impunitatem, verum vim *consuetudinis & obseruantiae* conciliare

*utrumque ius similitudo*, quod sicuti *iura positiua omnia* pro diuersa ciuitatis & ciuium indole, moribus atque inge-

ciare potest. (II) *Ius consuetudinarium* est nimis angustum, & omnes diuersos in republica occurrentes casus continere aut decidere nequit, vnde *affectui iudicis* nimium relinquit, qui iterum reipublicae magis, quam *affectus in Legislatore* noxius est. Cum enim *leges* scribere in republica mox *uni*, mox *paucissimis* concessum sit, innumeri saepe in ciuitate sunt, quibus incumbit *vi officii*, vt iudicando *lites componant*. Iam autem facilius est *vnus* vel *paucorum affectus* rite emendatos sperare, quam *plurium & multorum*. Accedit, quod *affectus in Legislatore* non ita facile diuersitatem *iuris quae sit* inter ciues producant, quam circa *ius quaerendum* inaequalitatem statuunt, adeoque re curate pensitata per modum *gratiae & dispensationis*, qui modus *ad reseruata Principis* omnino spectat, certis quibusdam personarum generibus aliquid largiantur; cum contra *affectus in iudice* faciant, vt inaequalitate cum sociis eiusdem ciuitatis *in iure iam quae sit* agatur, adeoque *iusticia* laedatur. (III) *Ius consuetudinarium* est nimis incertum & varium, quia plerumque populi, quo nihil est mutabilius, consensu & auctoritate nititur. Vnde etiam diuersae saepiculae & contrariae consuetudines deprehenduntur, quae iudicem, quam in iudicando sequatur, incertum prorsus reddunt, quae *varietates & contrarietates consuetudinis* nouum hoc incommodum pariunt, vt res sit *difficillima*, immo, si KLOCKIO *T. I. Conf.* 28. n. 223. credimus, *impossibilis plane*, probare consuetudinem, quod fieri tamen debet ab eo, qui ad eam prouocat, eamque pro se allegat; Et sane egregium illud iurisprudentiae solidioris ornamentum, quo, cetero primario sydere, hodie Wittembergensium academia exornatur, Illustris D. LEYSERVS ingenue fatetur, in eruditissimis suis *Meditat. ad ff. P. l. Spec. IX. p. 87.* se paucissima scire exempla eorum, qui con-

suc-



ingenio diuerſa eſſe ſolent, atque vnicuius ciuitati & reipublicae propria, ita tot diuerſa exiſtant *iura ciuilia priuata & publica*, quot ſunt ciuitates, reipublicae & imperia. Ita vt ceu *leges ciuiles Germanorum*, Gallorum &c. in Dania ad *cauſſas priuatas* allegari non poſſunt, ſic nec *ius noſtrum publicum* extra Daniam quaerendum ſit. Quae ſola obſeruatio cum cognitio *iuris publici gentium Europaearum*, ob ſummum illud conſeruandi aequilibrii ſtudium, ex quo hodie *negotia publica* aeſtimari ſolent, quin immo dicidi atque definiri, ad *patrimonium*, vt ita dicam, *ſcholarum Iuridicarum* pertineat, illud docet atque euincit, quam multis doctrinarum praefidiis exornatum eſſe oporteat Iureconſultum, vtque illi immanem prodant inſcitiam, qui in Iurium cultore nil praeter *cognitionem rerum forenſium, actionumque formulas*, quas qui ſolas nouit, heros quidem in componendis bellis ſilicidiorum & ſterquiliniorum eſſe poteſt, dignus autem Sacrae The- midis Antifles erit numquam, deſiderant. Tandem quinto & illud in conſiderationem venit, quod quemadmodum *iuſtum* citra *leges* nullum eſt, & quae alii de obligatione quadam ex *intrinſeca actionum bonitate nata & antecedenter ad legem exiſtente* nugantur, mera ſunt ſomnia, (in quibus tamen conſutandis iam prolixum eſſe non poſſumus;) ſic etiam quid in rebus *iure naturali non definitis* iuſtum ſit in ciuitate, quid iniuſtum? vtrumque ius pronunciet. Quodcumque enim cum illa *norma*, quam *priuatis negotiis*

H 3

ſcri-

*ſuetudinem* probandam in ſe ſuſcepere, & probationem hanc ad finem feliciter perduxere. Quae omnia ſi curate perpendo, MATTHIAS BERNEGGERVS recte ad TACITI *German. qu. 112. ſq.* annotaſſe mihi videtur, *homines malis moribus infectos in ciuitate non, niſi LEGIBVS SCRIPTIS, poſſe emendari.*

scripsit *Legislator*, non conuenit, illud *secundum ius priuatum iniustum* dici meretur; & quod a *norma ciuitatis* in *actibus & negotiis publicis* recedit, illud *secundum ius publicum iniustum* pronunciamus, ac vice versa. Quare tam quoad *ius priuatum*, quam quoad *ius publicum* quaedam in *vna ciuitate iusta* esse possunt, quae in *altera pro iniustis* habentur. Sic in *Dania* nemo *iuste* scribit *testamentum*, nisi impetrata a *REGIO NVMINE* venia, quod secus in *Germania*, vbi *testamenti factio* est *res merae facultatis*. Atque ita etiam cum, vti maturo iudicio dixit B. noster *PHILIPPVS MELANCHTHON* in *Epit. Moral. Phil.* *DEVS* omnes formas imperiorum rationi & naturae consentaneas approbet, in vno Regno fieri potest iuste, quod alibi non modo *iniustum* dicendum foret, verum a *scelerum maximo* haut abesset. Nam vt idem ait *MELANCHTHON* *diffimiles formae fecerunt*, vt alibi alii *gradus libertatis* sint. Conf. *PVFENDORF de Iur. nat. & gent. L. VIII. c. 6. §. 9.* Vnde iam *sexto* patet, & quatenam *obligatio* incumbat omnibus, & quatenam *facultas agendi*, relicta cuius in *ciuitate* sit, quid ex *iure*, quid ex *priuilegio*, quid ex *mera indulgentia & conuiuentia* ab illis personis, ex quibus *ciuitas* componitur, agi queat vel omitti, quas *res* quilibet in sua *potestate*, *dominio*, vel *usufructu* habeat, quas non? neminem scire posse, nisi *utriusque iuris gnarus* probe sit & peritus.

## §. XII.

Sed si plura adderem, vereor, ne mores migrare videar, hinc haec subsistendum arbitror. Iam pridem enim videor mihi audire, occini nobis tritum illud: EST MODVS IN REBVS! Satis commodi igitur nobis erit

*Utilitas  
hactenus  
dictorum  
in iusta de-  
finitione  
iuris publi-*

rit, si hac nostra opella id effectum, vt commilitones nostri discant, quam inepte illi agant, qui Germanicam denominationem *ein öffentliche Recht, ein gemeines Recht iuri Publico* applicant, cum vtique haec appellatio etiam *iuri privato* conueniat, vtque rectiori vocabulo *Reichs Recht, Staats Recht* dici, & ab iis, qui completam eius ideam dare volunt, definiri debeat, quod sit *regula immediate, directo & principaliter negotiis ciuitatis communibus, & ad statum reipublicae eiusque securitatem, gubernationem & conseruationem, intentione & executione spectantibus, conuentionibus vel expressis vel tacitis inter Imperantes & subditos initis praescripta, eorum, qui Reipublicae praesunt, Maiestaticum in ipsam ciuitatem & subditos cuiuscumque Ordinis ius, indeque promanantem potestatem legitimam definiens, adeoque ciuitatis statui vel in totum vel ex parte formam perpetuam tribuens, obligatione aeterna & vniuersali tam intuitu ciuium, quam exterorum munita.* Cum contra *ius privatum* iam definiamus *regulam negotiis & rebus particularibus ciuium in republica auctoritate illius, penes quem est summum imperium, eum in finem, vt salua republica singulorum utilitati atque securitati consulatur, praescriptam, actiones liberas eorum, qui vel ex pacto expresso, vel ex temporaria habitatione, in priuata, id est, subditorum conditione sunt, determinantem, adeoque perfectam ab iis obedientiam exigentem.* Quumque ille demum *iureconsultus* dici possit, qui solida viriusque *iuris scientia* instructus est, sola vtriusque iuris definitione euinci posse speramus, quam illi errent turpiter, qui, vt in prouerbio dicitur, monachum ex cucullo aestimare, & omnes, qui in foro versantur, vix triduum iura edoctos nomine tam honorifico, cui olim ipsi

*ci & priuati formanda.*

Recto-

Rectores ciuitatum adsurrexere, (oo) insignire volunt. Utque legum studium palladium est ciuitatis, iudicia bene ordinata aequitatis delubra, sic rogamus DEVM, vt eam inspiret iuuentuti academicae, quae legitimae scientiae sese mancupalit, mentem, quo illud CICERONIS *L. I. de orat.* rite secum perpendat semper: *quid est praeclarium, quam honoribus & reipublicae muneribus defunctum posse suo iure dicere idem, quod apud ENNIVM dicebat Pythius Apollo, se esse eum, unde, si non Reges & populi, at omnes sui ciues consiliuin expectant suarum rerum incerti, quos ego mea ope ex incertis certos, compotesque consili dimitto, vt ne res temere tractent turbidas.*

SED IAM MANVM DE TABVLA!

(oo) Ex vetustis Historicis, quanto in pretio fuerint, Icti si dicere volumus, adeundus erit AELIVS SPARTIANVS *in vit. Hadriani Imp. c. 18.* LAMPRIDIVS *in vita Alex. Seueri Imp. c. 15. 16. 68.* vt alios taceamus. Vltimum locum quin totum heic ex LAMPRIDIO referam, continere me non possum: *Ve scias, ait ille, qui viri in eius (Alexandri Imperatoris) consilio: Fabius Sabinus, Cato temporis sui, Domitius Ulpianus, iuris peritissimus, Aelius Gordianus, Iulius Paulus, Pomponius, Alphennus, Aphricanus, Florentinus, Martianus, Callistratus, Hermogenes, Vemuleius, Triphonijs, Metianus, Celsus, Proculus, Modestinus; Hi omnes iuris Professores discipuli fuere Papiniani, & IMPERATORIS FAMILIARES AC SOCI. HIS TOT ET TALIBVS VIRIS QVOD MALI POTVIT COGITARI AVT FIERI, QVVM AD BONVM OMNES CONSENTIRENT.*

TANTVM.

